

# *IPFI LA TSHIGA*

♪ Ivhani no ima lwa tshifhinganyana Vhuhoneni ha Murena.  
Kha ri vhale kha Ipfi Ławę, kha Ekisodo, ndima ya 4.

... *Mushe a fhindula nahone a ri, Fhedzi, vhonani, a vha nga ntendi, kana u thetselesa ipfi ḥanga: ngauri vha ḥo ri, MURENA ho ngo ḥivhonadza kha iwe.*

*Huno MURENA a ri khae, Ndi mini itsho tshandani tshau?... a ri, Lubada.*

*Huno a ri, Lu pose fhasi. Huno a lu posa fhasi, lwa mbo vha ḥowa; huno Mushe a mbo i shavha.*

*Huno MURENA a ri kha Mushe, Isa tshanda tshau, nahone u i fare nga mutshila. Huno a isa tshanda tshawe, nahone a i fara, huno ya vha lubada tshandani tshawe:*

*Uri vha tende uri MURENA Mudzimu wa vhokhotsi avho, Mudzimu wa Abrahamu, Mudzimu wa Isaka, na Mudzimu wa Yakobo, o ḥivhonadza kha iwe.*

*Huno MURENA a dovha a amba nae a ri, Zwino longa tshanda tshau ngomu ha gopwa. Huno a longa tshanda tshawe gopwani: huno musi o no tshi bvisa, vhonani, tsho vha tshi mapele sa mahađa.*

*Huno a ri, Longa tshanda tshau ngomu ha gopwa hafhu. Huno a longa tshanda tshawe gopwani ḥawe hafhu; nahone a tshi bvisa gopwani ḥawe, huno, vhonani, tsha shanduka hafhu sa iñwe ḥama nama yawe.*

*Huno zwi do khunyelela, arali vha si nga u tendi, kana u thetselesa kha ipfi ḥa tshiga tsha u ranga, vha ḥo tenda ipfi ḥa tshiga tsha vhuvhili.*

*Huno zwi do khunyelela, arali vha si nga u tendi, zwiga izwi zwivhili, kana u thetselesa kha ipfi lau, iwe u dzhie madi a mulamboni, huno u a shele kha shango lo omaho: huno madi e wa a ka mulamboni a ḥo vha malofha kha... shango lo omaho.*

<sup>2</sup> Kha ri kotamise zwifhađuwo zwashu u itela thabelo. Zwino ni na khumbelo, nga madekwana ano, ine na tama u i ḥivhadza Murena, itonu imisa zwanda zwańu nahone ni ri, “Murena, nkhumbule zwino. Ndi na thodea.”

<sup>3</sup> Khotsi ashu wa Ṭadulu, ri sendela kha Iwe hafhu madekwana ano, ri tshi limuwa uri ri tshi kotamisela zwifhađuwo zwashu kha tshika ri bvaho khayo, nahone, arali Wa lenga, ri ḥo humela murahu buseni. Fhedzi ri na fulufhelo lo ḥađutshedzwaho ḥa pfulufhedsizo i re kha Kristo, ya uri avho

vhoṭhe vha re kha Mudzimu Kristo u ḍo vha orosa-vho na Ene. Ri-ri a U livhuwa nga pfulufhedziso iyi ya vhugala. Huno ndi a rabela, Mudzimu, uri U ḍo elelwa muňwe na muňwe wavho vhe vha imisa zwanda zwavho, na tshanga-vho, Murena.

<sup>4</sup> Ndi khou rabela, madekwana ano, uri kha u vala awara ino ya lutendo, U ḍo ̄ea vhathu lutendo lune madekwana ano, Murena Yesu a ḍo vha a tshilaho nga maanda kha muňwe na muňwe washu, uri hu sa ḍo vha na muthu a shayaho nungo vhukati hashu nga murahū ha madekwana ano. Muitazwivhi muňwe na muňwe kha limuwe uri u Vhuhoneni ha Murena Yesu, huno zwenezwo u ḍo shanduka kha zwivhi zwawe, nahone a ̄nekedza mbilu yawe kha Iwe, huno a dala Muya; kha idzi awara mmbi dza u fhedzisela, sa izwi ri tshi zwi vhona sa murunzi muhuluhulu u dodomaho kha lifhasi.

<sup>5</sup> Ri a rabela, Mudzimu, u itela u endedzwa Hukhethwa, madekwana ano, kha u amba na kha u pfa. Muya Mukhethwa nga u dzhie mučangano zwino nahone u īwatele muňwe na muňwe washu Tshinnkwa tsha Vhutshilo u ya nga hune ra vha na ̄thodea, ngauri ri zwi humbelia Dzinani Lawe. Amene.

Ni nga dzula.

<sup>6</sup> Ndi a fulufhela uri madekwana ano ri ḍo kona u khunyeledza zwine ra khou lingedza u ita uri vhathu vha vhone, vhu—vhungoho ha u vha na lutendo kha Mudzimu.

<sup>7</sup> Zwino, matshelo nga masiari nga hafu u bva kha awara ya vhuvhili, vhoṭhe avho vha re na khadi dza thabelo vha ḍo rabelelwa. Huno zwenezwo u itela vhučanzi ha uri a hu na a no siwa nn̄da, vha si na khadi dza thabelo, vhusiku vhuňwe na vhuňwe ri ̄nekedza khadi dza thabelo. Huno u ḍo dzi ̄nekedza hafu matshelo, nga...ndi zwi dzhia uri, nga hafu u bva kha awara ya u thoma kana tshiňwe tshi ngaho tshenetsho, phanda ha musi mučangano u tshi thoma. Huno vhoṭhe vha tamaho u rabelelwa, muňwe na muňwe wa vhafunwa vhavho, i ri ni vha de huno vha wane khadi ya thabelo. Hu si na na u timatima vha ḍo ta—tanganedzwa kha khadi ya thabelo. Huno ri khou ya....

<sup>8</sup> Ndi khou ḍo rabelela vhathu, nga u vhea zwanda khavho na u vha rabelela. Zwino arali lutendo lwaču lu sa koni u vuwa Vhuhoneni ha Murena Yesu na Mu čanganedza sa mufhodzi waču, huno ni a tenda uri arali ra rabela nahone ra ni vhea zwanda, izwo zwi ḍo thusa, ndi zwone, hu si na na u timatima ri fhano u ita tshiňwe na tshiňwe tshire na tama.

<sup>9</sup> Tshi itaho uri ndi i litshe u swikela ngavhuya, i ndapfu, ndi tshi vhona uri muňwe na muňwe ane ndi nga kona, ane a nga kona u swikelela nahone a wana Mudzimu kha uyo mutoeo. Huno a ri na vhanzhisa. Hu na...Tshifhačo a si tshihulu, huno zwo ralo a ri na vhathu vhanzhisa. Nahone ri nga dzhia matshelo masiari huno ra rabelela vhoṭhe ri re navho afha, ri tshi vhetshela masiari u itela itsho tshipikwa, tsha u rabelela vhalwadze.

<sup>10</sup> Huno ri fhano u ita tshinwe na tshinwe tshine ra kona u thusa u ita uri vhutshilo vhu vhe khwinenyana kha inwi, u leludza muhwalo, kha lwendo ulu ri no lu tshimbila.

<sup>11</sup> Huno zwenezwo tshifhinga tshinwe na tshinwe, tshine muňwe na muňwe a pfa uri—uri u takalela u da kha Murena Yesu, hu sa londwi uri ndi tshipida tshifhio tsha tshumelo tshi no khou bvelela, zwenezwo inwi idani. Ni songo lindela u swika mbidzo ya alitari i tshi itwa. Ni songo lindela u swika hu tshi itwa thambo. Idani zwino, ḥanganedzani Kristo, huno ni de n̄tha nahone ni Mu bule na zwenezwo. Ngauri iyo ndi yone ndivho yashu khulwane ya u vha fhano, u vhone mimuya i tshi bebwa Muvhusoni wa Mudzimu.

<sup>12</sup> Huno zwino, matshelo ndi Swondaha, huno hu do vha na tshikolo tsha Swondaha, zwivhidzo. Tshivhangi tsha uri ri vhe na tshumelo dzashu nga masiari, nga Swondaha, ndi u itela uri ri si thithise tshumelo ifhio na ifhio na kathihi. Ri tenda uri Mukriste muňwe na muňwe u tea u vha na tshi—tshivhidzo tsha hayani tshine a ya khatsho. Mukriste muňwe na muňwe u tea u ḥanganana huiwe fhethu na vhatendi. Huno huiwe na huiwe hune na ḥanganana, itsho ndi tshivhidzo.

<sup>13</sup> Zwino, arali ndo vha ndo dzula fhano, ndo vha ndi tshi do vha murado wa tshinwe tsha izwi zwivhidzo afha, zwine avha vhafunzi afha, vhane vha vha na tshumisano, vha zwi imela. Mulandu? Ngauri vha fhano vho dzula kha pulatifomo, uri vha vhonwe nga vhathe, uri vha khwařisedze zwi no khou itea. Vha tenda kha ulu lushaka lwa mushumo, phodzo ya Muya, Ndovhedzo ya Muya Mukhethwa, na zwiňwe-vho. Vha fhano vha tshi nea vhučanzi khazwo. Ndi vhone vhe vha nthamba fhano, uri khamusi mushumo we Murena a n̄nea u nga thusa tshivhidzo tshavho.

<sup>14</sup> Zwino uyo ndi mufunzi vhukuma, ane a ḥoda mbuelo dzothe dza tuyani dzine a kona, dza tshinwe na tshinwe tshine Mudzimu a khou ita, ngauri u khou lingeda nga hune a kona u thusa tshivhidzo tshawe u ya phanda a tshi itela Mudzimu. Hu si na na u timatima ndi bvula muňadži wanga nga ḥonifho kha mufunzi o raloho.

<sup>15</sup> Huno avha vhanna vho do tea u ita izwo vha tshi kondelwa, na vhone-vho. Ni nga zwi tenda uri ndi ngoho. Vho do tea u zwi ita vha tshi kondelwa. Huno hu si na na u timatima ndi—ndi takalela tshothe avho vhanna vho raloho vha Mudzimu, vha no funa u dzhia vhuimo havho na fhethu havho ha mushumo u ya nga zwine vha tenda, nahone—nahone vha tenda. Mudzimu a dzulele u vha fhačutshedza!

<sup>16</sup> Huno ndi na ngoho ya uri vha do ni itela zwivhuya. Zwino, arali ni mutsinda fhano, ḥodisisani hune avha vharathu vha vha na zwivhidzo zwavho, hune zwa vha hone. Vha daleleni matshelo. Vha do vha na tshumelo dza tchipentshela, nahone hu

na vhashumeli hafha vhane vha do vha vha tshi khou amba kha zwivhidzo two fhambanaho, nahone sa two no divhadzwaho. Ngauralo ivhani khazwo matshelo.

<sup>17</sup> Huno zwenezwo matshelo nga masiari, arali ni tshi do tama u bva na da tshumeloni ya u vala, hu si na na u timatima ri do takalela u vha na inwi. Zwivhidzo zweþhe, dinomineisheni dzøthe, ndi ya muñwe na muñwe. Muñwe na muñwe o þanganedzwa; Mumethodisi, Mubaphuthisisi, Mupuresbiterieni, Mupertekostaþa, tshivhidzo tsha Kristo, tshivhidzo tsha Mudzimu, Mukatolika, Muyuda wa lutendo lwa sialala, muhedeni, zwiñwe na zwiñwe zwine na vha zwone. Ri a... Ni a rambiwa.

“Ni ri, ‘Muhedeni?’” Ee, muñe wanga.

<sup>18</sup> Arali muhedeni a tshi do da muþanganoni huno a dzula nahone a qifara, o tou þanganedzwa sa muñwe na muñwe-vho. Ndi zwone. Tshiñwe, ndi tshine ra mu þodela tshone fhano, uri tshiñwe tshi itwe tshine tshi nga mu thusa uri a vhone vhukhakhi hawe, nahone a da kha Murena. Ngauri ri... A hu na na thimothimo.

<sup>19</sup> Ndi vhangana vho vhuyaho vha vhala bono lituku le la andadzwa nga magazini ya Bindu la Vhanna vha Vhakriste, nahone ndi a tenda na dziwenyana maga..., dza, *U Sedza Xaradeni La Tshifhinga Lo No Fhira?* Zwino hezwo ndi ngoho, khonani. Ni nga si tende izwo zwi tshi ni pfuka. Ndo—ndo vha muthu o shandukaho u bva tsheetsho. Ndi a divha uri ndi zwa vhukuma, ngauralo ndi—ndi—ndi tou fulufhela uri a hu na na muthihi wanu ane a do humpa ilo Taðulu lìhulu line Mudzimu a vha nalo la vhatendi. Arali na ralo, ndi mini zwe na swikelela fhano kha lìfhasi? Ngauri, a ni divhi tshifhinga tshine na do tea u tuwa ngatsho kha lìno shango. Fhedzi ni divha tshithu tshithihi, ni na vhuñanzi uri ni khou do li tutshela. Ngauralo arali izwo hu ngoho, zwenezwo a ri nga do vha vho tsiluñhalaho tshoþhe u lingedza u—u wana fhedzi... Ri nga si kone u dzhia ndingedzo ifhio kana ifhio. Ni a vhona, ni tou elelwa, tendani Ipfì la Mudzimu na pfulufhedziso inwe na inwe ngomu Haþo.

<sup>20</sup> Itonu humbula, tsho vhangaho vhulwadze vhuñwe na vhuñwe, u la mbilu huñwe na huñwe, lufu luñwe na luñwe, khakhathi iñwe na iñwe, vhuñtungu vhuñwe na vhuñwe, uyu ñwana muñku ane misipha yaye ya hwetekana, zwithu hezwi zweþhe, vhaholefhali, mabofu, sibadela tshiñwe na tshiñwe tshi no tea u fhaþwa? Ngauri muthu muthihi o tou sa tenda tshipida tshithihi tshitiku tsha Ipfì. Hoyo o vha Efa. Saþhane o tou mu kutelela lone. Hu si u topola, fhedzi o mu kutelela lone, a ri, “Ngangoþo... Murena o lugesa.”

<sup>21</sup> Ni pfa zwinzhi nga maanda ñamusi nga ha ene e, Mudzimu, e Mudzimu wavhudì. U Mudzimu wavhudì, fhedzi elelwani U Mudzimu wa vhukhethwa, Mudzimu ane a sa kone u

kondelela tshivhi. Tshigwevho tsho no lixwa, huno ni tea u zwi ḥanganedza u ya nga ndivho Yawe. Huno elelwani, U Mudzimu wa tsinyuwo, Mudzimu wa mbiti. Huno ni do ima phanda ha Mudzimu o sinyuwaho, hu si Mudzimu wa vhuvhuva na tshilidzi fhedzi. Madekwana ano U Mutshidzi waṇu; ilo Duvha U Muhaṭuli waṇu.

<sup>22</sup> Ngauralo ivhani na ngoho ya uri a ni sii na tshithu na tshithihi tshi songo itwa, khonani. A—a zwi nga . . . A zwi badeli. Ni songo—ni songo sokou dīthadula ni tshi zwi ita. Ivhani na ngoho, ngoho kavhili, ngauri a ni wani tshiñwe tshikhala. Hetshi ndi tshikhala tshaṇu tshi tshothe, musi ni fhano kha lifhasi.

<sup>23</sup> Elelwani munna o pfumaho na Lazaro, ho vha hu na govha vhukati hanu na Ene, līne a hu na muthu we a vhuya a li pfuka, kana a do vhuya a li pfuka. Ni a vhona? Musi ni—musi ni tshi fa, zwi a li ladza. Ndi a dīvha uri vhathe vha ima kha la uri vha a ni rabelela uri ni vhuye ni tshi bva kha masia ayo, fhedzi na kathihi ni songo zwi tenda. Hezwo two fhambana na Ipfi la Mudzimu. Ni a vhona? “Nga ndila ine muri wa tshingama, ndi nga ndila ine wa wa.” Huno Yesu Ene muṇe, o amba, uri, “Ho vha hu na govha, le, musi muthu o fa nahone a ya vhudzulavhafu, a si kone (na kathihi) u da Taḍulu. A hu na muthu we a vhuya a li pfuka, nahone na kathihi a hu na a no do ralo.” Zwi a li ladza, u ya nga hune zwa nkwama. Musi Yesu o ri ndi zwenezwo, ndi zwenezwo zweothe.

<sup>24</sup> Ngauralo itonu elelwa, zwino ndi tshikhala tshaṇu, huno madekwana ano hu nga di vha tshifhinga tshaṇu tsha u fhedzisela.

<sup>25</sup> Naa no vha ni tshi nga pfectesa zwine zwa khou itea? Arali ni tshi nga tou zwi vhona! Ndi a fulufhela uri a ni elekanyi uri ndi tshi amba nga u ralo, ndi khou lingedza u ni ḥuṭuwedza u sedza kha muṇwe muthu, kana u tenda muṇwe muthu. A thi khou ita hezwo, khonani. Ndi khou lingedza u ni ita uri ni tende Uyo ane a vha ene ane ra vha Vhuhoneni hawé zwino. Yesu Kristo, onoyo Mudzimu a no do ni haṭula nga ilo Duvha, u fhano a tshi khou Didivhadza inwi ni hone, tshenets̄ho tshithu tshe A fulufhedzisa urū U do tshi ita mađuvhani haya a u fhedzisela.

<sup>26</sup> Ndi elekanya uri Murathu Price, matsheloni ano kha vhurangane, o nea tshifanyiso tshavhudzi nga maanda tsha u da kha khuda, zwenezwo na tea u shandukisa khuda. Naa itsho no diphanya ngatsho? [Tshivhidzo tshi ri, “Amene.”—Mudz.] A hu na na u timatima no ralo. Tsho vha tsho vhewa, zwavhudzi nga maanda.

<sup>27</sup> Zwino, ngauralo elelwani, tshiñwe tshifhinga kha khuda, fhedzi kha ri elelwe uri ri tea u shandukisa idzi khuda. Ndo rera nga hazwo, nga tshiñwe tshifhinga, huno nda zwi vhidza, Mafhande. Ri ḥanganana na mafhande, kanzhi–kanzhi, ra tea u ya thungo *heyi* na nga ndila dzo fhambanaho.

<sup>28</sup> Zwino madekwana ano, lwa miniti i si gathi i tevhelaho, ndi ṭoda u dzhia ṭhoho ya—ya: *Ipfi La Tshiga*. Huno zwino luṭa lwashu lu vula, madekwana ano, kha Bugu ya Ekisodo, huno *ekisodo* zwi amba “u bvela nn̄da; o bviselwa nn̄da.” Zwino lingedzani u thetshelesa zwavhuđi u ya nga hune na kōna.

<sup>29</sup> Ndi do takalela u ni rerela tshiñwe tshifhinga, ni vhathetšelesi vhavhuđi hani, fhedzi ndi tou vha uri a thi na ipfi. Hu tou vha mutsiko muđuku kha hezwo, huno ndi a qivha zwine zwa do vha zwone. Ndi tea u awela zwițukunyana zwino, lwa maduvha a no ṭodou swika a malo kana fumi, phanda ha musi ndi tshi thoma muđangano u tevhelaho. Ni a vhona, a hu tou vha muđangano hoyu muthihi hafha. Ndi muđangano, ḫuvha na ḫuvha, vhege na vhege, ḥwedzi na ḥwedzi, ḥwaha na ḥwaha, ni a vhona, huno ni nga anganya.

<sup>30</sup> Huno elekanyani nga ha zwifhinga zweđhe, ḥwaha na ḥwaha, na kathihi a hu na na tshifhinga na tshithihi tshe A vhuya a amba tshiñwe tshithu nga nn̄da ha tshe tsha vha tshi ngoho kokotolo, tshođhe-tshođhe; nga nyambo dzođhe, u mona na shango ḫođhe, kađanu na kavhili. Ni a vhona? A hu na muthu, a hu na fhethu, hune a nga amba nga nn̄da ha zve zwa vha kokotolo nga tshifhinga, tshođhe-tshođhe, tshifhinga tshiñwe na tshiñwe. Musi A tshi ri tshiñwe tshithu tshi do bvelela, tsho bvelela kokotolo nga yeneyo ndila. Tshi ambeni dzivhege na miňwedzi, na miňwaha, na, phanda ha musi tshi tshi bvelela, huno tshifhinga tshođhe tshi vha tshođhe-tshođhe nga tshifhinga. Na kathihi a hu na tshifhinga na tshithihi he tsha do kundelwa, nahone tshi nga si ralo na kathihi, ngauri uyo ndi Mudzimu. Zwino, nne ndi nga kundelwa, sa muthu. Na kathihi ni songo ntseđza sa tsumbo, ngauri ndi—nne ndi tou nga inwi, ndi tou vha muitazwivhi o tshidzwaho nga khathutshelo. Fhedzi uyo ndi Mudzimu, a re n̄tha ha mupo, ni a vhona, a tshi khou Didividhadza. Ha tei u ita hezwo, fhedzi O fulufhedzisa uri U do zwi ita.

<sup>31</sup> Yesu o fhodza ngauri zwi do khunyeledza Ipfi. O ita izwo zwithu ngauri Ipfi la Mudzimu li do khunyelele.

<sup>32</sup> Hezwo ndi zwine A khou zwi itela zwone ñamusi, uri Ipfi li khunyelele, le nda ni topolela, vhusiku na vhusiku.

<sup>33</sup> Zwino dzhielani nzhele-ha musi Vhuhone Hawe vhu tsini, Vhu, hu si na na u timatima Vhu disa vhudipfi. Sa zve nda amba matsheloni ano, “Tshiñwe na tshiñwe tshi si na vhudipfi tsho fa.” Huno vhurereli vhuñwe na vhuñwe vhu si na vhuñwe vhudipfi khaho, ndi khwina ni tshi vhu swiđa, ho fa. Vhu disa vhudipfi. U a ri hanyisa. Fhedzi musi ri tshi hanyiswa, kha ri elelwe Tshe tsha ri hanyisa. Ndi mini tsho zwi itaho? Ndi Vhuhone ha Muya Mukhethwa, Yesu Kristo vhukati hashu, a tshi khou Disumbedza uri U a tshila. A si muvhili wa ñama; musi nga itsho tshifhinga, uyo muvhili wa ñama u tshi vhuya u tshi bva ṭadulu, tshifhinga a tshi tsha do vha hone. Ndi zwenezwo zweđhe. Huno ri a qivha

uri ri kha, ri khou tshila mađuvhani a u fhedzisela, musi izwi zwithu zwi tshi tea u itea.

Zwino, Mudzimu o no di vha na dziekisodo tshifhingani tsho fhiraho. Hu na . . .

<sup>34</sup> Tshiňwe na tshiňwe tshi tshimbila nga zwiraru, kha Mudzimu. Mudzimu o khunyeledzwa kha raru. U da ha Kristo lwa u thoma, u *rengulula* Muselwa Wawe; u da ha Kristo lwa vhuvhili, u *tanganedza* Muselwa Wawe; u da ha Kristo lwa vhuraru, e na Muselwa Wawe, u vhusa kha Nwahagidi. Tshiňwe na tshiňwe tshi gidima nga zwiraru.

<sup>35</sup> Zwino, ho no vha na, hu do vha na, mipfuluwo miraru. Muňwe wayo, Mudzimu o vha džhenisa *ngomu* ha gungwa, u itela mupfuluwo, u tshimbila nga n̄tha ha lifhasi. Tshifhinga tshi tevhelaho, Mudzimu a vha bvisela *nnda* ha—ha Egipita. Huno tshifhinga tshi tevhelaho, Mudzimu u vha takulela *n̄tha*. Ngomu, *nnda*, *n̄tha*! Mupfuluwo u tevhelaho ndi u ya *n̄tha*. Ro livhana na muňwe zwino, tshifhinga tsha u ya *n̄tha*.

<sup>36</sup> Zwi fana na vhutshilo vhu tshi ita two raloho. Ri da *ngomu* ha vhutshilo, ri ya *nnda* ha vhutshilo, ra takulela *n̄tha* kha vhutshilo, zwi tou vha zwi fanaho kokotolo. Ngauralo ri . . .

<sup>37</sup> Luća lwashu madekwana ano lu vula kha mupfuluwo, huno Mudzimu o vha a tshi khou dzudzanyela u dzhia lushaka Lwawe.

<sup>38</sup> Israele ndi lushaka. Mudzimu ha shumi na Israele sa muthu. Israele ndi lushaka, o didzulela u shuma navho. Huno mađuvhani a u fhedzisela, nga murahu ha u—u ḥuwa ha tshivhidzo, zwenezwo Mudzimu u do tshidza Israele sa lushaka. Lu shangohaya zwino, lwo zwi lindela. Huno lu do tshidza, Bivhili yo ri, “Lushaka lu do bebwa nga duvha.” Mudzimu ha shumi na Vhayuda sa muthu muthihi. U shuma navho sa lushaka, Israele, tshifhinga tshořhe, ngauri ndi lushaka Lwawe.

<sup>39</sup> Huno hafha U khou dzudzanyela u bvisela lushaka Lwawe *nnda* ha lushaka, kha mupfuluwo, u ḥuwisa vhatu Vhawe kha khařhulo.

<sup>40</sup> Huno mađi eneala e a nwelisa khothe shango, o tshidza Noaxe. Ni a vhona? Huno Muya Mukhethwa wonoyo, une vhatu vha u hana ḥamusi, u do *tanganedza* Tshivhidzo nahone wa Tshi isa *n̄tha*, huno wa ḥisa khařhulo kha u sa U tenda. Yesu o ralo.

<sup>41</sup> Musi vho Mu vhidza, “Belesebulu,” nga maňwe maipfi, “O vha e mungome.” Vho . . .

<sup>42</sup> O ri, “Ndi do ni hangwela hezwo,” Murwa wa muthu. Tshithavhelo tsho vha tshi songo itwa. “Fhedzi musi Muya Mukhethwa u tshi da u ita two raloho, ipfi lithihi li lwaho Nawo a li nga do hangwēlwa na kathihi kha lino shango kana shango li ḥaho.” Li tea u haniwa, huno zwenezwo khařhulo i a rwa nga murahu ha izwo. Vhonani, khakhathi ndi uri ri . . .

<sup>43</sup> Zwi nkhubudza tshiṭori tshe nda tshi vhala tshiñwe tshifhinga, tsha mualavhi wa kale a tshi bva lwanzheni, huno mu—murendi muswa wa Muisimane a tshi khou ya lwanzheni. Huno ngauralo murendi o vha o no ñwala zwinzhi nga ha lwanzhe, fhedzi o vha a sa athu lu vhona, ngauralo o vha e ndilani yawe a tshi tsela phasi. Huno muño wa kale wa ri khae, u na phaiphi yawo ya tshiṭommbi mulomoni wawo, wa ri, “U ya ngafhi, munna wanga wavhudí?”

<sup>44</sup> A ri, “Ndi khou tsela lwanzheni.” A ri, “Na kathihi a thi athu lu vhona. Ndo ñwala nga halwo, na zwe vhañwe vha amba, fhedzi,” a ri, “oo, ndi pfa ndo takala nga maanda u ñivha uri ndi khou sendela lwanzheni.” A ri, “Oo, u nukhedza madí alwo a muño! U vhona khephe dzalwo khulu, tshena dzi tshi kheruwa ñtha halwo, na lutombo lwa bułuu lu tshi ñivhonadza, na u pfa magabelo a tshi fhufha, oo, nne ndi a takala nga maanda ndi tshi humbula u lu vhona!”

<sup>45</sup> Muño wa kale wa ri, “Ndo bebelwa khalwo, miñwaha ya furathi yo fhelaho, a thi vhoni tshithu tsho nakaho ngaurali nga halwo.” Ni a vhona, o no vhona zwinzhi nga halwo u swika lu tshi vha lwo doweleaho khae.

<sup>46</sup> Zwino ndi zwine zwa dina nga ha tshivhidzo tsha Pentekostala namusi. Tsho no vhona zwinzhisa zwa Mudzimu, u swika Mudzimu a tshi vha o doweleaho khavho. Na kathihi ni songo tshi tendela tshi tshi zwi ita!

<sup>47</sup> A si kale hafhano, Louisville, Kentucky. Hune nda bva hone, Jeffersonville, Indiana, ndi u pfuka mulambo u bva hone. Mufumakadzi o vha a tshi khou tshimbila ngomu vhengeleni la sente dla fumi. Huno o (o) vha e na mutukana muñuku tshanđani tshawe, nahone o vha a tshi khou ya dzikhauntharani huno a tshi vho thoma u si tsha kona u ñilanga. O vha a tshi doba tshiñwe, a tshi sumbedza mutukanyana; ene o vha a tshi sokou dzula nahone a ruda maço. O vha a tshi ya kha iñwe khaunthara, huno a doba tshiñwe a tshi sumbedza mutukanyana; ene o vha a tshi sokou ruda maço. Huno nga murahu ha tshifhinga, a doba bele ñthukhu nahone a thoma u i lidza, huno mutukanyana a sokou ruda maço. Huno a thoma u zhamba, nahone a imisa zwanda zwave. Huno vhatu vha re vhengeleni la sente dla fumi vho vha vho mu sedza, ngauralo vha ya khae u ñodisisa uri ho khakheani.

<sup>48</sup> A ri, “Ndi na... Mutukanyana wanga,” a ri, “u tou vha na miñwaha miraru.” Huno a ri, “Ndi... Nga kathihi fhedzi, ñwaha wo fhiraho u tsini na u fhera, u a dzhia huno a sokou dzula nahone a ruda maço tshikhala.” Huno a ri, “Ndo—ndo mu isa ha maine,” nahone a ri, “huno maine o mu itela ndaela ya maiñe madzilafho na zwithu.” Huno a ri, “Nahone maine o mmbudza, ñamusi, zwauri o humbula uri u khwine. Fhedzi,” a ri, “ha khwine.” A ri, “Ndo dzungudza tshiñwe na tshiñwe phanda hawe, tshine tsha tea u kunga mutukana

mułuku wa murole wawe, ngelelo. Tshiñwe na tshiñwe tshe tsha vha tshi tshi ḍo kunga ñwana mułuku wa murole wawe, ndo tshi dzungudza phanda hawe, huno u sokou dzula nahone a ruða maþo tshikhaliñi.” A ri, “Ha na vhukhwine.”

<sup>49</sup> Itsho ndi tshiñwe tshi ngaho tshivhidzo tsha Pentekostała. Mudzimu o dzungudza tshifhiwa tshiñwe na tshiñwe, Bivhilini, phanda havho, huno vha kha di dzula nahone vha ruða maþo tshikhaliñi, vhunga ho vha hu tshiñwe tsho khakheáho. Ndi tshifhinga tsha uri ri vuwe, dzikhonani, tshifhinga tshi sa athu tuwa. Elelwani, Mudzimu ha dzungudzi izwo zwifhiwa nn̄dani ha musi A tshi khou lingeda u kunga ngelelo yañu.

Mudzimu o vha a tshi khou bvisa lushaka kha lushaka.

<sup>50</sup> U tou fana na zwine A khou ita zwino, a tshi ya u bvisa Muselwa kha tshivhidzo, a tshi sia vha si gathi vha mbeu ya musadzi. Vhanangiwa vha do bviselwa nn̄da ha tshivhidzo. Tshivhidzo tsha mupo tshi ḍo dzula hafha tsha fhira maþunguni. *Vhanangiwa* avho tshiñwe tshifhinga vha vhidzwa “vho khethiwaho, vho nangiwaho, vha si gathi.”

<sup>51</sup> Kha ri vhone uri O zwi ita hani tshifhingani itsho, ngauri na kathihi Ha shandukisi ndila Yawe ya u ita zwithu. Mudzimu u na ndila nthihi ya u ita zwithu, huno ndi yone ndila ine A zwi ita, huno iyo ndi yone ndila yone-yone, tshifhinga tshoþhe. Vhonami uri O zwi ita hani, na nga ndila ye A zwi ita, huno zwenezwo ri nga kona u wana ludungela lwa izwi zwino.

<sup>52</sup> Ndi mudzia-u-fanyisa, hu si na na u timatima. A thi na pfunzo. Ndi tea u sedza murahu nahone ndi vhone zwe A ita. Huno ri a funzwa uri, “Testamente Ndala yo vha i murunzi wa zwithu zwi no ḍo da.” Ngauralo arali ndo sedza hafha nahone ndi songo vhuya nda vhona tshanða tshanga, huno ndo vhona murunzi wa tshanda tshanga, huno ndi na minwe miþanu, ndi do vha na muhumbulo wavhuði wa uri musi tshanða tshanga tsho ya hangei, ndo vha ndi na minwe miþanu. Ngauralo zwo bvelelaho khavho ho vha hu tsumbo dza uri Mudzimu u ita hani zwithu, nga ndila ine A zwi ita zwino.

<sup>53</sup> Huno nga ndila ine A zwi ita, na kathihi iyo Ha i shandukisi. Tshifhinga tshiñwe na tshiñwe, kha Bivhili yoþhe, na kathihi Ha shandukisi ndila Yawe ya u ita zwithu. Zwi isa phanda u fana, ngauri ndila Yawe ya u thoma u zwi ita ndi ndila yo khunyelelaho. Ngauri, O vha a si nga vhi na ñwe ndila, ngauri U o khunyelelaho, nahone, Ene, ndila Dzawe dzoþhe dzo khunyelela. Sedzani uri O zwi ita hani.

<sup>54</sup> Mushe o vhidzwa nahone o telwa u dzhia mushumo hoyu we a vha, o no di—o no di u dzhia. Mudzimu . . .

<sup>55</sup> Zwino, ndi a elekanya, arali na zwi farela . . . A thi ambi izwi ndi songo humbula. Ndi amba fhedzi, kha pulatifomo iyi, a—a thi ðivhi tshithu nahone a thi ðodi u ðivha tshithu nga nn̄da ha Mudzimu. Zwino, ndi elekanya uri heneffo ndi hune vharathu

vhashu vha Mvula ya Tsinya-maṭanga vha kanganyisea hone, ni a vhona, vha vheana zwanda nahone vha vha ita vhaporofita na zwiñwe-vho. Zwino, hezwo a zwi Mañwaloni. "Mikovhe na mbidzo a zwi na tshanduko." Ni bebwa ni zwiñwe na zwiñwe zwine na vha zwone. Ni zwine, na vha zwone, u rangani.

<sup>56</sup> Sedzani avho Vhafarisei kha mađuvha o fhelaho. Vho vha vhe na tshedza tshiṭuku, ngauri vho kona...vhe na mulayo, nahone vho tshila nga mulayo, fhedzi murahu mbiluni dzavho ho vha ho swifhala tshoṭhe.

<sup>57</sup> Huno ho vha hu na musadzi muṭuku, phombwe, u peta hawe...vhutshilo ha u ranga n̄tha *hafha* ho vha ho swifhala tshoṭhe, o vha e wa tshika, fhedzi mbiluni yawe o vha o tetshelwa Vhutshilo.

<sup>58</sup> Huno zwenezwo musi Yesu, Ipfi, o da vhuponi, avho Vhafarisei vho ri, "Uyu Munna ndi Belesebulu." Zwo itani? Zwo swifhadza tshedza tshiṭuku tshe vha vha vhe natsho.

<sup>59</sup> Yesu o ri, "Ni vha khotsi aṇu, diabolo, huno mishumo yawe ni a ita."

<sup>60</sup> Fhedzi musi, uyu musadzi muṭuku muvhī nga maändesa a tshi da, nahone o no vhona Ipfi la Mudzimu, o Li divha. Ho ngo Li tshila, fhedzi o Li divha. Huno nga kathihi fhedzi Li tshi amba nae, a ri, "Ndi a zwi vhona uri U Muporofita." Huno Ene...A ri, "Ndi a divha uri Mesia u do ita hezwi."

Huno A ri, "Ndi Ene."

<sup>61</sup> Zwo itani? Zwo kunakisa u swifhala nahone zwa hu ita hutshena. Mulandu? Ho vha hu na mbeu i re henefho, mbeu yo tiwaho ye ya vha i ngomu ha...Ho vha hu muhumbulo wa Mudzimu phanda ha muteo wa shango.

<sup>62</sup> Hu na tshivhumbeo tshithihi fhedzi tsha Vhutshilo Vhu Sa Fheli. Arali ni na Vhutshilo Vhu Sa Fheli, zwenezwo inwi muñe no vha ni kha ngelekanyo ya Mudzimu shango li sa athu sikwa. Ni tshibveledzwa tsha ngelekanyo Yawe, ngauri Vhu Sa Fheli a ho ngo vhuya ha thoma kana ha vhuya ha guma. Ni tshipida tsha ekonomi ya Mudzimu, tshifhinga tshoṭhe. I khou tou divhonadza. I vho vha yo teaho zwino. Vha na tshiñwe tshifanyiso tshithihi tshire vha do tshi bveledza, itsho ndi lufu, zwenezwo negethivi i vha phosethivi, zwenezwo ni kha Muselwa nahone na Kristo, vhunga O zwi elekanya. Vhunga munna na mufumakadzi, namusi, ngauralo (Mudzimu) Kristo na Tshivhidzo vha do fana. Zwino, vhanangwa, vho vhidzwa!

Mushe o bebiwa, "e ñwana o teaho." Bivhili yo zwi amba.

<sup>63</sup> Muñwe wa vhaporofita, Yeremia. Mudzimu o ri, "Phanda ha musi u tshi vhumbwa mbumbeloni ya mme au, Ndo u tela u vha muporofita kha lushaka."

<sup>64</sup> Yohane Mulovhedzi, mulandu, o divhadzwa kha Luñwalo. Yesaya, miñwaha ya mađana a sumbe na fumimbili phanda ha

u da hawe, o ri, "U ipfi la a no huwelela sogani, 'Lugisani ndila ya Murena!'" Huno miñwaha i no ḥodou swika ya mađana mana phanda ha u vhonala Hawe, hafhu ri wana, Maleaxi o ri, "Vhonani Ndi ruma mudinda Wanga phanda Hanga, u lugisa ndila phanda ha Murena."

<sup>65</sup> Vhonani, o vha o telwa phanda. Huno zwo vha zwo ralo kha idzo ofisi dzothe dza Mudzimu, arali vho vhidzwa nga Mudzimu.

<sup>66</sup> Arali vho funzwa khalo, hu tou vha fhedzi tshifushathakha tsha ganunu, ni a vhona, a hu nga vhi tshiñwe. Arali hu thikhithi ya zwiliwa, zwenezwo ni rengisa vbutanzhe hanu ni tshi itela thikhithi ya zwiliwa, ni do takalela u tuwa na dzangano kana tshiñwe tshigwada. Fhedzi arali zwi zwa Mudzimu, ni do ima na ilo Ipfi, hu sa londwi, ngauri no bebelwa u ima na lo.

<sup>67</sup> Mushe, a hu na muñwe-vho we a vha a tshi nga dzhia vhuimo hawe. A hu na muñwe-vho we a vha a tshi nga ita mushumo. O vha o telwa u u ita.

<sup>68</sup> Huno, vharathu, khaladzi, arali ni na Vhutshilo Vhu Sa Fheli, no telwa u ita tshiñwe tshithu. Khamusi mufaramuña wavhudzi, khamusi tshiñwe tshithu-vho, fhedzi a hu na ane a nga dzhia vhuimo hanu. Mudzimu o ni itela vhuimo. Ni songo lingedza u dzhia vhuimo ha muñwe. Hezwo ndi nyedziselo dza nama, ni a vhona, zwi sumba uri hu na tshiñwe tsho khakheaho kha inwi. Ivhani zwine na vha zwone, tshothe kokotolo. Ni songo vha zwiñwe-vho.

<sup>69</sup> Zwino, zwino ri wana uri Mudzimu o nea Mushe zwiga u khwañthisa ḥodea na mbidzo.

<sup>70</sup> Huno tshiga tshiñwe na tshiñwe tsha ngoho, tshiñwe na tshiñwe tshiga tsha ngoho, tsho rumelwaho nga Mudzimu, itsho...tshi na ipfi murahu hatsho. Zwino ni songo kundelwa. Heyi ndi ngudo yanga ya u fhedzisela nga ha hezwi, ni a vhona. Tshiga tshiñwe na tshiñwe tsha ngoho...Zwino ri na zwiga zwi sa bvi ha Mudzimu; Sathane u a kona u ḥodou edzisa tshiñwe na tshiñwe tshi re hone. Fhedzi tshiga tsha ngoho, tshi bvaho Mudzimuni, tshi na ipfi la Mudzimu murahu hatsho.

<sup>71</sup> Mudzimu o ri kha Mushe, "Arali vha sa tenda ipfi la tshiga tsha u thoma, zwenezwo ita itshi tshiñwe tshiga phanda havho. Huno zwenezwo arali vha sa pfa itsho, i tou dzhia mađi huno u a shele mavuni." Huno itsho tsho vha tshiga tsha uri vha do golovhedzwa henehfo malofhani avho.

<sup>72</sup> Dzhielani nzhele, huno u tou fana na zwe A amba, "Fhufhurani buse la milenzheni yanu. Hu do kondelelwa zwinzhi Sodoma na Gomora, ilo ḫuvha, u fhira zwine zwa do vha zwone kha mudi uyo une wa si ni ḥanganedze."

<sup>73</sup> Zwino a ri khou sokou tou diyela Tshivhidzoni. Hetshi ndi Tshivhidzo. Kristo ndi Tshivhidzo. Ri kha Kristo. Muvhili

u humbulelwaho wa Kristo, ri bebelwa Khawo. Ni nga si U dzhoiné.

<sup>74</sup> Ndo vha na vha muṭa wa Branham lwa miñwaha i no ṭodou swika fut̄hanuṭhanu, huno na kathihi a vho ngo nkumbela uri ndi dzhoine muṭa. Ndo bebwa ndi Mu-Branham.

<sup>75</sup> Huno ndi nga ndila ine na vha Mukriste. Ni bebwa ni Mukriste, hu si u vhu dzhoina. Ni bebwa ngomu haho. Muñwe na muñwe u ofha mbebo. Vha na iñwe ndila yavhudí yo kunaho ya u dzhia tshanda tshiṭuku, kana u saina khadi ṭhukhu, kana tshiludi tshi re na muño na mađi ngomu hatsho. Hezwo a si mbebo. Mbebo ndi tshithu tshi ofhisaho. Mbebo ndi tshi—tshithu tshi sa difhi. A thi londi arali hu ngomu ha tshitumba tsha nguluvhé, kana lu—kana lufherani lwa ḥulu, kana lufherani lwa sibadela lwo nakiswaho lwa pinki; mbebo ndi tshika, huno i ni ita wa tshika. A ni ṭodi u ṭovhowa, a ni ṭodi *itshi, itsho*, kana *tshinwe*, fhedzi mitodzi i do ṭanzwa pennde khofheni hañu huno ya ni ita muthu o shandukaho. Arali no bebwa hafhu, zwi do ni ita wa tshika, fhedzi ni do bvelela ni tshivhumbwa tthiswa. Ni a vhona? A vha zwi ṭodi hezwo. Vha ṭoda iñwe ndila i leluwaho, ni a ḥivha, huno a hu na ndila dici leluwaho. Sa luimbo, o ri, “Ndi do fara ndila na vhaṭuku vha Murena vho nyadziwaho.” Ha ṭodi u vha tshimela tshi re fhethu hune tshi nga aluwesa.

Tshiga tshinwe na tshinwe tsha ngoho tsha Mudzimu tshi tevhelwa nga ipfi la Mudzimu.

<sup>76</sup> Zwino arali muthu a nea tshiga shangoni, kana tshifhinga tshinwe na tshinwe, huno ilo ipfi line a amba li tshi tikedzaho li si Ipfi la Mudzimu, zwenezwo li ṭhogomeleñi, ni songo li tenda. Arali tshinwe tshikolo tsha kale, arali muthu a ima nahone a ri, a sumbedza tshiga tshi bvaho Mudzimuni, huno zwenezwo pfunzo ya onoyo muthu ndi yeneyo pfunzo ya zwa vhurereli ya kale ye na vha nayo miñwaha iyi yothe, Mudzimu ho ngo vhuya a rumela itsho tshiga. Sedzani murahu kha Luñwalo huno ni vhone arali tsho vha tshi tshone. Phendani Luñwalo. Munna u a vhuya, huno a ri, “Zwino rothe ri ṭoda u dzhoina *hetshi*. Ndi fhungo lo thomiwaho kale.” Ni songo zwi tenda hezwo. Ri khou do da kha izwo, nga murahu ha miniti i si gathi fhedzi, ni a vhona. Hai, ni songo zwi tenda hezwo.

<sup>77</sup> Mudzimu u dzulela u khwaṭhiswa zwiga Zwawe. Tshiga tshi bvaho ha Mudzimu tshi dzulela u amba ipfi la Mudzimu.

<sup>78</sup> Huno arali tshi tshikolo tshenetsho tsha kale tshe na vha ni natsho, ndi ngani A tshi tea u nea tshiga, no no vha ngomu hatsho? U khou lingedza u ni isa kha iyo khuḍa. Tshiga tsha tshitopo! Ongolowani! Sedzani hune na khou ya hone! Ni qo diposa khuḍani arali ni sa ṭhogomeli. Hu na govho lo vhuyesaho, huno tshifhinga tshothe hu vha na tshiga henefho phanda ha musi ni tshi fhira kha govho ili, u ni thivhela u kwashékana. Vhafhaṭi vhavhudí vha ndila vha nea zwiga. Huno ri khou

tshimbila ndila i yaho Vhugalani. Huno arali tshiga tshi tshi amba nga ha tshithu tshenetsho tsha kale, tsho vha tshi sa bvi ha Mudzimu.

<sup>79</sup> Mudzimu u nea zwiga u kunga ngelelo ya vhathu Vhawe. Zwiga ndi zwa u kunga ngelelo ya vhathu vha Mudzimu, zwiga zwa Mudzimu zwe ralo. Zwiga zwa Mudzimu zwi newa u kunga ngelelo ya vhathu vha Mudzimu.

<sup>80</sup> Zwino afha tshiṭaka tshi dugaho tsho vha tshi tshiga tsha u kunga muporofita, tshi tshi khou lingedza, ngauri muporofita o vha o shavha Mudzimu, huno Mudzimu o nekedza tshiṭaka tshi dugaho sa tshiga. Huno o vhona tshiga itshi tshisili; a ri, “Ndi do ya nga thungo uri ndi vhone uri itshi tshiga tshisili ndi mini, ngauri tshi—tshiṭaka tshi khou swa nahone a tshi ḥoṭheli.” Zwino Mudzimu o vha a tshi khou kunga ngelelo ya muporofita Wawe a shavhaho. O vha a tshi nga di wana muñwe, fhedzi o ta Mushe u ita mushumo huno a hu na muñwe-vho a no do dzhia vhuimo hawe.

<sup>81</sup> Lwendoni, vhañwe vhathu vho lingedza u u ita, ni a ðivha. Dothani o takutshedza huno a ḥoda u ita dzangano ngawo. Mudzimu o vhudza Mushe, “Difhandekanye. Ndi do tou vha mila.” Ni a vhona?

<sup>82</sup> Mudzimu u shuma na muthu muthihi. Ni a vhona? Zwino dzhielani nzhele heli, O vha a tshi khou lingedza u kunga ngelelo ya muporofita, u vhea muporofita vhuimoni hawe ho mu teaho, ni a vhona, huno O nea tshiga tsha tshiṭaka tshi dugaho.

<sup>83</sup> Huno, vhonani, ipfi lo tevhelaho tshiga lo vha ipfi la Luñwalo. “Ndo pfa zwililo zwa vhathu Vhanga, na u gomela havho, nga mulandu wa vhañei vha mushumo, huno Ndi elelwa pfulufhedziso Yanga.” Amene. Izwo zwi a li ladza. “Ndi elelwa pfulufhedziso.” Ilo lo vha ipfi la Luñwalo. “Huno Ndi khou u rumela phasi. Ndo da u vha phulusa, huno Ndi rumu iwe.”

<sup>84</sup> Elelwani, Mudzimu ha iti tshithu nn̄dani ha muthu. Ni a zwi ðivha izwo? Ndi zwine zwa khukhula vhathu. Ni a vhona?

<sup>85</sup> Ndi zwe zwa vha khukhula nga ha Yesu. Vho ri, “U Muthu, u tshi ñiita Mudzimu.” O vha e Mudzimu, fhedzi a vho ngo kona u zwi pfesesa. “Ndi zwone, Iwe, u tou vha Muthu.”

<sup>86</sup> O ri, “Ndi zwone, ni vhidza vhaporofita, ‘vhadzimu,’ huno mulayo wanu wo zwi tanganedza. Huno arali ni tshi vha vhidza ‘vhadzimu,’ vhane Ipfi la Mudzimu la da khavho, ni nga vhea hani Nñe mulandu musi Ndi tshi ri Ndi Murwa wa Mudzimu?”

<sup>87</sup> Ni a vhona, zwiga, u kunga ngelelo. Huno, elelwani, arali ngelelo i tshi kungwa, ndi ndila yeneila ya kale, a si Mudzimu.

<sup>88</sup> Fhedzi Mudzimu u khou lingedza u kunga muporofita zwino, huno U mu nea tshiga, huno ipfi le la tevhela tshiga lo vha ipfi la Luñwalo. “Ndo vhona vhathu. Ndo pfa u lila havho. Ndi elelwa pfulufhedziso Yanga.”

<sup>89</sup> Zwino Mudzimu u khou yo amba nga Ipfi Lawe la pfulufhedziso. U fanela u ruma muporofita Wawe, ngauri Ipfi li da kha muporofita. Bivhili yo ri, Mudzimu o amba, Ene munę, zwauri, "Ha iti tshithu u swika A tshi tshi dzumbululela vhalanda Vhawe vhaporofita u thoma." Ni a vhona? Huno zwenezwo tshiga tshi a ńewa. Huno Luńwalo lu a ćivhadzwa, ilo ndi Ipfi la tshiga.

<sup>90</sup> Ni a vhona Ipfi la tshiga, tsha Mushe? Tsha u thoma, tshiga ho vha hu tshiṭaka tshi dugaho; Ipfi lo vha Luńwalo.

<sup>91</sup> Mushe o dzhia itscho sa tshiga Tshawe, huno a tsela Egipita nahone a ita tshiga tshe Mudzimu a mu vhudza; huno tshiga tsho vha tshi na ipfi khatsho, huno vhathu vha tenda nahone vha bva. Huno musi vha tshi khou ći hwenny, vho ita zwavhuđi; fhedzi musi vha tshi thoma u gungulela ipfi, zwenezwo vha ima.

<sup>92</sup> Elelwani, Israele o enda. No divha uri vha bva vhukule vhungafhani? Vho vha vha tshi do vha vho... Vho vha vhe maela dza fuiňa fhedzi, nahone lwa miňwaha i no ćodou swika fuiňa vha tshi khou zwi ita. Mulandu? Ndi ngauri vha thoma u gungulela ipfi le la bveledza tshiga. A vho ngo divha tshithu, musi vha tshi khou ćavha mikosi henengei phasi dziphiliphilini, nahone vha tshi tshina vhe Muyani, nahone Mushe a tshi imba e Muyani, vha vha vho tou fhedza maduvha a si gathi vho bva. Fhedzi vha thoma u gungula, huno vha tama u ita tshińwe tsha thungo; huno vho dzula sogani lwa miňwaha ya fuiňa, huno vha lovhele khalo, ndi zwone, ngauri a vho ngo tenda. Mudzimu a ri, "A vha khou gungulela iwe, Mushe. Vha khou gungulela Nñe." Ilo lo vha li ipfi la Mudzimu, hu si Mushe.

<sup>93</sup> Zwino sedzani, Yehova u khou yo amba nga Ipfi Lawe lo fulufhedziswaho, ngauralo U fanela u ruma vhaporofita Vhawe. Izwo, arali ni tshi ćodou zwi vhona, zwi kha Genesi 15:16. Ri wana uri Mudzimu o vhudza Abrahamu, "Mbeu yau i do dziilela shangoni ili lisili, huno Ndi do vha bvisa nga tshanđa tsha maanda. Vhutshinyi ha Vhaamori a vhu athu khunyelela." Pfulufhedziso Dzawe dzođe dzine A nea, hafha U khou kunga muporofita, nga tshiṭaka tshi no khou duga.

<sup>94</sup> Zwino arali tshiṭaka tshi no khou duga tshi tshi do vha tsho ri, "Mushe, Mudzimu ndi Mudzimu."

"Iina, izwo ndi a zwi tenda."

<sup>95</sup> "Oo, u khou ita zwavhuđi, Mushe, itou fara nga u ralo. Wo mala musadzi wavhuđi; ndi ńwana o nakaho. Ngangoho u na murwa wavhuđi! Vhugala kha Mudzimu!" Ndi tshenetsho tshikolo tsha kale. Ni a vhona?

<sup>96</sup> Fhedzi O vha o ćilugisela u ita tshińwe tshithu, ngauralo O do tea u kunga uyo munna. Huno O nea munna u ita zwiga zwivhili, huno a ri, "Tshiga tshińwe na tshińwe tsho vha na ipfi." Hezwo zwi sumbedza uri tsho tou ralo. Zwino sedzani zwe

ayo maipfi a amba, na yone tsiko. Yehova o vha o dilugisela u amba zwino.

<sup>97</sup> Hafhu, u da ha muporofita ndi tshiga. Naa izwo no zwi divha? U da ha muporofita, kha tshikhathi, ndi tshiga.

<sup>98</sup> Zwino, a thi ambi Dokotela wa Ngudo Ya Vhurereli. A thi ambi muñwe mufunzi o dñekedzaho, muñwe muthu wavhuđi. Vhone ndi vhavhuđi. Vhone ndi vhalanda vha Mudzimu.

<sup>99</sup> Fhedzi muporofita ndi tshiga. Bivhili i amba nga u ralo hafha. Huno ndi tshiga tsha mini? Ndi tshiga tsha uri Ipfi Lawe li khou dilugisela u khunyelela, u khunyeledzwa nga ipfi la tshiga itshi tsha muporofita.

<sup>100</sup> Dzhielani nzhele, u da ha muporofita ndi tshiga tsha tsivhudzo tsha khađhulo i re tsini. Naa izwo no zwi divha? Khađhulo yo lugela u rwa arali hu na muporofita shangoni.

<sup>101</sup> Elelwani, o tea hu si na na u timatima, tsha u thoma, u khwađhisedzwa nga Mudzimu na Ipfi la ilo duvha, huno zwenezwo u ita tshiga. Huno zwenezwo sedzani itsho tshiga, zwine tsha bula. O ri, "Arali zwa bvelela, zwenezwo ni mu pfe." Numeri 12:6. "Arali zwi sa bveleli, zwi hangweni." Tshi tea u vha tshiga tsha Luňwalo tshine A nea.

<sup>102</sup> Huno tshine A nea sa tshiga, tshiňwe tshifhinga, arali E onoula wa mulovha, ñamusi, na u ya nga hu sa fhel, U isa phanda na u tshi nea nga ndila yo raloho. "Ipfi la Murena lo da kha vhaporofita." Vho vha vhe Ipfi. Huno musi Yesu a tshi da, O vha e Ipfi. Huno Ipfi lo ḥalukanya mihibulo na ndivho dza mbilu, hafhu na hafhu, lwa tshifhinga tshilapfu. Zwino sedzani.

<sup>103</sup> U da ha uyu muporofita, hu nea tshiga, tsha, "khađhulo i tsini," tshifhinga tshothe.

<sup>104</sup> Kha ri tou ima lwa miniti i si gathi fhedzi. A thi nga dzhii tshifhinga tshilapfusa. Kha ri tou ḥola zwivhili zwino, lwa miniti i no ḥodou swika ya fumi. Huno mulaedza wo salaho, kha ndi ri, lwa miniti ya fumi.

<sup>105</sup> Noaxe, muporofita kha shango—shangoni, tshiga tsha khađhulo i daho. Mushe, muporofita shangoni, tshiga tsha khađhulo i daho. Eliya, muporofita shangoni, tshiga tsha khađhulo i daho. Yohane, muporofita shangoni, tshiga tsha khađhulo i daho kha Israele; vho tumulwa tshothe.

<sup>106</sup> Dzhielani nzhele, tshiga! Tshiga tshi ita mini? Tshiga ndi tsha u kunga ngelelo, na u ita uri vhanangiwa vha luge, na u bva ndilani phanda ha musi khađhulo i tshi rwa. Hezwo ndi zwe Noaxe a ita, o ita uri vhanangiwa vha dzule vho dilugisa. Vhanangiwa vhothe, huno tshi ita mini? Tshiga, na ipfi la tshiga, tshi vhea mulandu mudzia-u-sa-tenda nahone tsha ita uri a lugele khađhulo. Tshi ita uri vhanangiwa vha lugele u ponyoka. Ndi zwine tshiga tsha vha zwone. Ndi zwine zwiga zwa

netshelwa zwone, u itela khaṭhulo i ḫaho. Kha vhanangiwa, vha a tshi vhona.

<sup>107</sup> Vhunga musadzi muṭuku a re na mbilu yo ṭambaho, na muvhili wo tshikafhalaho; na Mufarisei a re na muvhili wo ṭambaho, na mbilu yo tshikafhalaho. Tsho vhea muñwe mulandu, huno tshi tshidza uyo muñwe.

<sup>108</sup> Huno dzenedzo khaṭhulo dze dza tshidza Mushe, dzo vhea shango mulandu; u rera hawe.

<sup>109</sup> Tshi ita uri vhanangiwa vha luge. Vhanangiwa vho dilugisela mini? Musi vha tshi vhona tshiga tsho rumelwaho nga Mudzimu, vha sedza murahu kha Luñwalo huno vha vhona arali itsho tsho tea u vha hone. “Iina, khetsyi hafha.” Ndi mini? Khaṭhulo i no do da. Zwenezwo vhanangiwa vha thetshelesa ipfi.

<sup>110</sup> Fhedzi vha songo nangiwaho a vha londi, huno vha ri, “Vhuṭafuṭafu. Iyani phanda! Ri do dzhia tshenetsho tshikolo tsha kale.” Ni a vhona? Ndi nga ndila ye vha ita mađuvhani a Luther. Ndi nga ndila ye vha ita mađuvhani a Wesley. Ndi nga ndila ine vha—vha ita zwino, nga ndila ye vha ita tshifhinga tshothe.

<sup>111</sup> Fhedzi ndi tshiga, huno tshi na ipfi li no tevhela tshiga. Huno ipfi li ḫivhea sa ipfi la Luñwalo. Zwino hezwo ni songo zwi hangwa. Zwino tendelani hezwo u dzhenana, ngauri ndi nga di si tsha ni vhona na kathihi.

<sup>112</sup> Ndi tama ndo vha ndi na ndila ye nda vha ndi tshi nga da fhasi hafha huñwe fhethu nahone nda wana vharathu vhanga vhothe, musi vho vha vha si na mvuseledzo dzi no khou bvela phanda, nda ḫoka dennde huno nda tou dzula, ḫuvha na ḫuvha, nahone nda funza tshone u swika—u swika tshi tshi nwelela vhukuma. Fhedzi O vha a si nga zwi tendeli, a thi humbuli. Ni a vhona, ri tsini nga maanda na vhufhelo. Ndi a tenda zwino ri kha vhufhelo.

<sup>113</sup> Buguni yanga ngomu fhaṭa, ine nda i vhulunga yo ñwalwa. Nga 1933, manwe matsheloni, ndi tshi khou dilugisela u ya tshikoloni tsha Swondaha, tshikolo tsha Swondaha tsha Baphuthisi he nda vha ndi mufunzi, Muya Mukhethwa wo ḫa huno wa ntsumbedza u swika tshifhinga tsha vhufhelo, huno wa ntsumbedza zwithu zwa sumbe zwine zwa do bvelela. Nda zwi ñwala fhasi. Zwi kha bammbiri la kale la tshítopana.

<sup>114</sup> Wo mmbudza kokotolo uri Germany li do fhaṭa hani ulwo Luvhondo lwa Siegfried, na uri Vhaamerika vha do lu kunda hani, miñwaha ya fuminthihi phanda ha musi lu—luvhondo lu tshi fhaṭwa.

<sup>115</sup> Wo amba uri Mussolini u do takuwa hani, na uri u do ya hani Ethiopia, na uri Ethiopia li do “wa milenzheni yawe” hani. Huno u do fa nga ndila i shonisaho, o ima nga nzhelele, nahone vhatu vha hawe vha do mu pfela mare.

<sup>116</sup> Huno ndo ri, "Hu na ism tharu; Communism, Facism, na Nazism. Zwoṭhe zwi ḋo wana ndila yazwo nga Russia, kha Communism." Huno i ḋo tshinyadza Vhukatōlika. Vhonani arali i sa zwi iti!

<sup>117</sup> Nda ri, "Mvelaphanda nngafho i ḋo vha hone!" Nda ri, "Ndi vhona mimodoro i tshi nga gumba, i tshi tshimbila tshiṭaraṭani. Hu na goloi dzi no tshimbila magondoni, dzi na luñwe lushaka lwa ndango, a vha tei u dzi langa. Nda vhona muṭa wa Muamerika u tshi khou tamba tsheka murahu goloini." Vha na iyo goloi zwino, arali fhedzi vho vha na magondo ane vha ḋo i vhea khao. Volkswagen ṭhukhu ndi gumba lo fhelelaho, tshoṭhe kokotolo, huno ndi goloi džiñwe dzoṭhe. Ni nga fanyisa, nga 1933, zwe goloi dza vha dzi tshi nga zwone, u swika zwino?

<sup>118</sup> Huno zwenezwo Wo bulu hafhu, zwauri, vhasadzi vha ḋo tendelwa u voutha, na zwine vha ḋo ita. Na uri ili shango, sa tshifanyiso, vhunga Israele, lo džhena hani shangoni huno la pandela vhadzuli, nahone ḥa dzhia shango sa ifa. Huno khosi dza u thoma dzi si gathi dze vha vha nadzo, Dafita na Salomo, dzo vha dzi khosi dzi ofhaho Mudzimu. Nga murahu ha tshifhinganyana, vho vha na Ahaba vhuponi. Vho mu voutela. Tshidulo tshi ḋo vha...tshivhidzo tsha takalela shango. Huno, ro no vha na a no nga Lincoln na a no nga Washington, vhonani zwine tsha vha zwone namusi. Vhonani hune ra khou ya zwino. Tshi no tevhela tshi ngafhi? Ri kha tshifhinga tsha vhufhelo.

<sup>119</sup> Huno ndi tshiga, nga lwa mupo, tshoṭhe kokotolo. Tshi ita uri vhanangiwa vha dzule vho dilugisa; nahone tsha vhea mulandu, kha khaṭhulo, mudzia-u-sa-tenda.

<sup>120</sup> "Arali uyu muporofita e muporofita wa ngoho, nahone zwine a amba zwa khunyelela," Bivhili yo amba, kha Numeri 12:6, "ipfani tsivhudzo yawe, ngauri yo khwathisedzwa uri a si muthu." Mu—muporofita ndi muthu. Fhedzi ipfi li bvaho kha tshiga tsha n̄tha ha mupo ndi ipfi ḥa Luñwaloni, lo khwathisedzwa, zwenezwo ndi tsivhudzo.

<sup>121</sup> Bivhili yo n̄walwa nga vhaporofita, ni elelwe. Kha Petro Ya Vhuvhili, na yone-vho, 1:21. Kha Vhaheberu 1:1, na yone.

<sup>122</sup> Khavhu ya Mulilo, kha Mushe, yo vha tshiga, ipfi lo vha li tshi khou yo amba. Khavhu ya Mulilo yo sumbedza uri ipfi lo vha li tshi khou yo amba. Hetsho ndi tshiga, Khavhu ya Mulilo. Vhoiñwi vhatnu ni tea u elelwa hezwo zwi bvaho Houston, a si kale-kale.

<sup>123</sup> Mushe, muporofita, tshiga kha Israele, uri pfulufhedziso yo vha i tsini na u lugela u khunyelela. Musi Mushe a tshi da nahone a ita tshiga tsha muporofita, vho zwi ḫivha na zwenezwo uri u ḋo vha kuvhanganya fhethu huthihi.

<sup>124</sup> Ipfii ḥa Mudzimu ndi lone-lone hani kha thevhokano, tshifhinga tshoṭhe li a fana. Naho sa izwo ndo amba vhusiku ho

fhiraho, uri Urim Thummim, na tshiñwe na tshiñwe, tshifhinga tshoþhe zwe fohindulela hani Mudzimu.

<sup>125</sup> Kha ri dzhie muporofita hafhu, lwa tshifhinganyana, Yona. Ndo vha ndi na ndima ya 1 ya Yona yo ñwalwaho hafha, ndima ya 1 hafha ya vhuporofita hawe. U bva ha Yona thumbuni ya khovhe ya vhimbi, ho vha tshiga. Vhonani, vhatru vho vha vhe vhahedeni. Vho luvha midzimu ya lwanzhe, huno mudzimu wavho wa lwanzhe o vha e khovhe ya vhimbi.

<sup>126</sup> Zwino vhatru vhanzhi vha lingedza u vhea Yona mulandu. Ndi dzulela u imelela Yona. Yona o vha a songo bva kha lufuno lwa Murena. "Mitsindo ya o lugaho i endedzwa nga Murena." Ri þoda u ri, "U Yona." Fhedzi kha ri zwi dzhie kha yazwo... zwine ndeme yazwo ya vha zwone, kha hoyu musi. Ndi a ðivha uri o vha o tea u ya Ninive, fhedzi Mudzimu o ita uri a fare gungwa li yaho Tharashishi. Huno O vha e na khakhathi i no ðo ða kha lwanzhe.

<sup>127</sup> Yona o ri, "Vhophani zwanda zwanga na milenzhe. Ndi nn̄e a re khakhathini, we a i vhanga." Huno vha mu posela nn̄da. Huno khovhe yo vha i tshi khou tala maðini, khovhe khulu ye ya mila Yona. Ndi a ðivha uri zwi a konða kha saints u zwi tenda.

<sup>128</sup> A si kale hafhano, Louisville, Kentucky, miñwaha i no þodou swika fumi yo fhiraho, vho vha na kho—khovhe ya vhimbi yo ladzwaho kha go—goloi ya luþandala. Huno ho vha hu na muñwe Ricky muñuku heneffo, we a vha e na þhalukanyo yo engedzeaho u fhira ye a ðivha uri u tea u i langa hani. O vha a tshi khou lingedza u ita uri Bivhili i vphonale i tshi khou zwifha. O ri, "Ni a ðivha, ni pfa ula murero wa kale wa Bivhili, wa uri khovhe ya vhimbi yo mila Yona." A ri, "Vhonani, a no ngo kona u fhirisa bola mukuloni wayo, wo vha u muñukusa. Munna o aluwaho tshoþhe o kona hani u dzhena thumbuni yay?" A ri, "Ni a vhon, u tou vha murero wa kale, vhunga Bivhili yo dala ngayo."

<sup>129</sup> Hezwo zwe vha zwe andesa kha kuelekanye kwa—kwanga. Nda ri, "Muñe wanga, ndi tama u amba tshiñwe tshithu heneffo."

A ri, "Ni þodou ambani?"

<sup>130</sup> Nda ri, "Ni a vhon, a no ngo vhalo Bivhili zwavhuði." Nda ri, "Bivhili yo ri heyi yo vha i khovhe ya vhimbi ya tshipentshela. 'Mudzimu o dzudzanya khovhe khulu.' Heyi yo vha yo fhaþwa lwa tshipentshela, u mu mila ngayo, ho itaho uri i zwi ite! Yo vha i si khovhe zwayo. Mudzimu o vha a tshi khou yo ita mushumo u songo doweleaho, ngauralo O wana khovhe i songo doweleaho." Ni a vhon? Ho ngo tsha amba zwiñwe nga hayo lini. Ngauralo, yone, Mudzimu o vha na tshithu tsha tshipentshela.

<sup>131</sup> Vhunga musidzanyana, tshiñwe tshifhinga, a tshi bva thaberakeleni; mavhudzi awe mañuku o gamelwa murahu, nahone o gigidedzwa, lwo edanaho u swika tshifhaþuwo tshawe

tshiṭuku tshi tshi nga nyala yo swotolwaho. O vha a tshi tou vha na Bivhili, a tshi khou tsa.

<sup>132</sup> Uyu mukalaha a no pfi Jim Dorsey o dzula Utica. O vha e mudzia-u-sa-rerela, swole ḥa kale, huno—huno o vha a sa tendi Mudzimu. Huno o ri, “U khou ya ngafhi, musidzana muswa?”

A ri, “Ndi khou ya hayani, muṇe wanga.”

A ri, “Ndi mini itsho tshe wa hwala tshandani tshau?”

A ri, “Ndi Bivhili.”

A ri, “Iyo a u i tendi, u a ralo?” Huno a . . .

A ri, “Ee, ndi a i tenda, muṇe wanga.”

<sup>133</sup> Huno a ri, “Naa u a tenda itsho tshiṭori ngomu afho tsha khovhe ya vhimbi i tshi mila Yona?”

A ri, “Mulandu, ngangoho, ndi tenda Ipfi liṅwe na liṅwe ḥalo.”

<sup>134</sup> A ri, “U khou ya u zwi sumbedza hani uri ndi zwone nga iñwe ndila-vho nga nnqani ha lutendo, zwine wa zwi vhidza lutendo?”

“Mulandu,” a ri, “musi ndi tshi swika Ṭađulu, ndi do vhudzisa Yona.” Ni a vhona?

A ri, “Zwenezwo mini-ha arali a siho hangei?”

<sup>135</sup> A ri, “Zwenezwo vha do tea u mu vhudzisa.” Ngauralo ndo elekanya uri uyo o vha muonyolosi wavhuđi nga maanda. Ngauralo ndi elekanya uri izwo zwo ḥodou vha zwone.

<sup>136</sup> Arali Bivhili yo ri Yona o mila khovhe ya vhimbi, ndo vha ndi tshi do zwi tenda. O vha a tshi nga i dzudzanya. Zwe Mudzimu a amba, Mudzimu u kona u zwi ita, nahone U dzulela u vhulunga Ipfi Ławę. Ngauralo, Yona, ri tamba ngae . . .

<sup>137</sup> Fhedzi no no vhuya na dzhiela nzhele khovhe i tshi khou tala? I khou zwima zwiliwa zwayo. Huno zwenezwo musi i tshi ḥa, i tsela henengei fhasi nahone ya awedza zwitali zwayo zwiṭuku fhasi. Fushani khovhe yanu ya musuku huno ni sedze zwine zwa bvelela. Dzi dadza thumbu ḥukhu dzadzo, zwenezwo dza tsela fhasi huno dza vhea zwitali zwadzo heneffo fhasi, huno dza lala heneffo nahone dza ḥigeda.

<sup>138</sup> Ndi zwone, heyi khovhe khulu yo dzudzanywaho ya da huno ya mila uyu muporofita. Huno ya tsela fhasi lwanzheni, nahone khamusi fađomu dza fuiṇa u tsa fhasi henengei. Yo tsela fhasi-fhasi, u ḥiawedza fhasi lwanzheni.

<sup>139</sup> Zwino ri dzulela u elekanya nga ha Yona. Huno muṇwe na muṇwe u ri, “Zwino ndo rabelelwa, fhedzi tshanda tshanga a tshi khwine. Ndo rabelelwa, fhedzi a thi pfi vhukhwine.” Ni songo vhuya na ḥavhela Yona mukosi.

<sup>140</sup> Zwino vhonani tsumbadwadze dze a vha nadzo. Zwino, tsha u thoma, o vha e nn̄da kha lwanzhe lu re na ḥumbu, nahone o vha o bva n̄dilani ya he Mudzimu a vha o mu ruma. Zwanda

zwave na milenzhe zwe vha zwe vhoxwa. O poselwa lwanzheni lu halifhaho, lu re na mbiti, huno khovhe ya vhimbì ya mu mila a ya thwii fhasi lwanzheni. Huno o vha o lala heneffo mañanzani, thumbuni ya khovhe ya vhimbì, tshene dza lwanzhe dzo mona na mutsinga wawe. Huno arali o sedza thungo *heyi*, ho vha hu thumbu ya khovhe ya vhimbì. A sedza thungo *iyo*, ha vha hu thumbu ya khovhe ya vhimbì. Huñwe na huñwe he a sedza, ho vha hu thumbu ya khovhe ya vhimbì. Ni amba nga ha fhungo la dzitsumbadwadze, a nga di vha o vha nalo. Fhedzi ni a divha zwe a amba? O ri, “Dzi tou vha mahandana a zwifhaho. A thi tsha do dovha nda dzi sedza, fhedzi luthihi hafhu ndi do sedza kha thembele Yau khethwa.”

<sup>141</sup> Ngauri, Salomo, muthu wa mupo wa lifhasi, we a rabela a tshi kumedza thembele, o ri, “Murena, arali vhathu Vhau vha vha khakhathini huñwe na huñwe, huno vha sedza hafha fhethu hukhethwa, zwenezwo ipfa u ngeyo Tađulu.”

<sup>142</sup> Huno Yona o vha na lutendo kha zwe Salomo a rabela. Huno Mudzimu a mu phulusa kha khovhe ya vhimbì, nga murahu ha mađuvha mararu na masiku. A nga di vha o ťoka dennde ya gesedungi fhasi henengei. A thi divhi zwe A ita, fhedzi O ita uri a hanye mađuvha mararu na masiku, u ya nga Ipfi. Huno Ipfi lo lulama.

<sup>143</sup> Ndi zwone, arali Yona, kha nyimele iyo, o kona u sedza hafhu kha thaberanakele ye muthu a ita, nne na inwi hone zwi do vha zwe engedzeaho zwingafhani, madekwana ano, u sedza kha Thembele he Yesu a ima kha tshanda tsha u la tsha Muhuluhulu, nga Malofha A Ene mune, a tshi khou ri pfumelela o ima kha u bula hashu lutendo, kha tsumbadwadze ţukhukhuzashu! Ni songo vhea Yona mulandu, huno zwenezwo na sedza zwe khakheaho kha inwi. Sedzani kha pfulufhedziso, “Mudzimu o amba ngauralo!” Arali ni vhana vha Abrahamu, “Mudzimu o amba ngauralo!” O ita pfulufhedziso, huno zwi a li ladza.

<sup>144</sup> Dzhielani nzhele, vhathu vhothe vho vha vho bva u yo rea, huno vha tshi kokodza mambule avho na zwithu. Nga murahu ha tshifhinganyana, ha bvelela mudzimu wa lwanzhe, khovhe ya vhimbì, i tshi gidimela philiphilini. Muñwe na muñwe a wa nga magona awe. Mudzimu u a divha uri zwithu zwi itwa hani. Huno ya ya henengei philiphilini nahone ya munedza lulimi lwayo, huno, musi yo ralo, muporofita ngoyu u da a tshi khou tshimbila a tshi bva mulomoni wa khovhe ya vhimbì. Muporofita! Mudzimu a pfela muporofita heneffo nnnda kha philiphili. A zwi mangadzi vho shanduka. Ni a vhona?

<sup>145</sup> Hetsho tsho vha tshi tshiga. Yona a tshi phuluswa nga khovhe ya vhimbì, ho vha hu tshiga. O itani? Hetsho tsho vha tshi tshiga tshi bvaho Mudzimuni. Ipfi lo ri mini? “Shandukani kana ni lovhe, nga mađuvha a fuinā.” Tshiga tsha Mudzimu; ipfi la Mudzimu! Tshifhinga tshothe, musi Mudzimu a tshi rumela

tshiga, Mudzimu u rumela ipfi Lawe murahu ha itsho tshiga. Dzhielani nzhele, "Shandukani, kana mudi hoyu wothe u do lovha hu sa athu fhela maduvha a fuina."

<sup>146</sup> Yohane muporofita o bvelela lifhasini, nga murahu ha miñwaha ya madana maña hu si na muporofita; tshiga nga murahu ha madana maña a miñwaha, ya u bvelela hawe. Itsyo tshifhinga tshiñuku tsha u sa vha na ndondolo!

<sup>147</sup> Zwino arali ni wa maya ni do pfectesa zwine nda khou amba. Mudzimu nga a vule kupfesesele kwanu. Ho no fhela tshifhinga tshingafhani!

<sup>148</sup> Miñwaha ya madana maña, Israele hu si na muporofita, zwivhidzo two vha two no vhilingana nga maanda, huno zwenezwo Yohane ngoyu u da vhuponi. Yohane o vha e muporofita, tshiga tsha uri Mesia o vha a tshi khou yo amba nga murahu hawe. Sedzani. Ngauri, Maleaxi 3 yo ri, "Ndi do ruma Mudinda Wanga phanda Hanga, u dzudzanya ndila, u dzudzanya vhathu."

<sup>149</sup> Sedzani Yohane, hu si na na tseda khae. Na kathihi ho ngo dzhia na vhugala zwaho. Vho lingedza u mu vhidza Mesia; fhedzi a ri, "A tho ngo fanelwa nga u vhofholola zwienda Zwawe."

<sup>150</sup> Fhedzi Yesu a tshi tou bvelela, O vha na tshiga, Khavhu ya Mulilo, Tshedza nga ntha Hawe, vhunga liivha li tshi tsa ipfi li tshi ri, "Hoyu ndi Murwa mufunwa Wanga, Ane Nda mu takalela tshothe."

<sup>151</sup> Dzhielani nzhele, huno nga kathihi fhedzi Yohane a ri, "U tea u engedzea. Ndi tea u fhungudzea." O nekedza Tshihidzo kha Kristo. Amene.

<sup>152</sup> Ri a vhudzwa uri, maduvhani a u fhedzisela, izwo zwi do dovha hafhu! Hu khou yo vha na Mulaedza u daho, une wa do divhadza Mesia kha vhathu. Huno zwi do vha nga ndila ine, vha do ima vho akhamala sa zwe vha ita tshifhingani itsyo. O zwi fulufhedzisa. Ndima i tevhelaho ya Mateo, ya Maleaxi, i ri vhudza nga hazwo. Sedzani.

<sup>153</sup> Vho vhudzisa nga hazwo. Nzulele ya Yohane yo mu divhadza nga maya wa Eliya. Zwino dzhielani nzhele avho vhaporofita vhavhili.

<sup>154</sup> Zwino, Eliya o vha munna we a takuwa tshifhingani tsha Israele, kha ndado.

<sup>155</sup> Ahaba o vha e khosi. Huno vhasadzi vhothe vho hoyo Jesebele, nahone khamusi vhe na matunyele a mavhudzi a kungaho na tshinwe na tshinwe, khamusi u fana na zwine ra vha nazwo namusi. Huno vhothe vho tevhela Jesebele. Huno vhafunzi vho elekanya, "Hezwo two vha zwi tshi tou vha zwavhuđi. Vha litsheni vhe vhothe. Vha litsheni vha zwi ite."

<sup>156</sup> Huno nga itsyo tshifhinga, Mudzimu o takusa munna a bvaho sogani, nga dzina la Eliya. A ri vhi ra divha hune

a bva hone. Ho ngo vha na tshikolo tsha u mu ḋivhadza. Fhedzi o takuwa, huno a sanda izwo zwithu zweṭhe. A sanda nzudzanyo yoṭhe.

<sup>157</sup> Arali o vha a tshi nga ḍa vhuponi, ḥamusi, o vha a tshi ḍo sanda nzudzanyo yashu na yone-vho.

<sup>158</sup> O vhea mulandu Jesebele muňwe na muňwe. Huno, mafhedziselonu ho, ho vha ene we a kwashekanya muporofita. O shavha, sa Yohane; a lala fhasi ha muri wa muungana musi Jesebele o vha a tshi khou yo mu vhulaha. O vha a tshi mu vhenga.

<sup>159</sup> Huno zwenezwo ri wana uri musi Yohane a tshi ḍa, na ene a tshi bva sogani, mudzia-u-funa soga, e na mulaedza wo livhaho kha vhasadzi vha musalauno vha tshilaho vho ṭaliwa huno vha maliwa, nahone vha malwa hafhu, izwo zwithu o zwi tumukanya zwa bva zwipiḍa. Na kathihi ho ngo bva kha tshiňwe tshikolo. U bva Mudzimuni, munna o ruňwaho nga Mudzimu. Huno o sanda vhasadzi vha musalauno, a lwa navho nga maanda, huno ho ngo litsha u shumisa maanda awe na kathihi. Fhedzi o amba zwi khagala uri, “Tshifhinga tsho vha tshi tsini, Mesia o vha a tshi khou yo amba.” Sedzani hezwo.

<sup>160</sup> Zwino vhambedzani tshifhinga tsha u ḍa ha Eliya lwa u thoma na vhaňwe vha avha vhaporofita vha musalauno vha ḥamusi, vha tshi tendela vho-Jesebele vhavho u ḫunya mavhudzi avho, na u ambara dzishothi, vha dahan dzisigareṭe, tshiňwe na tshiňwe tshine vha ḥoḍou ita, vha vha langa. Ndi khwine a sa vhudzwi tshithu, u ḍo mu ḫutshela, a wana muňwe. Vha tshi vha langa nga ndaela dzo itwaho nga muthu; hezwo zwi a shonisa, pfunzo dza muthu. Huno, nga u ita izwo, vha ita uri milayo ya Mudzimu i si shume, ngauri vha nga dzhoina tshivhidzo huno vha di bula uri ndi vhone Vhakriste, nahone vha omiba pfanelo dzavho huno vha ri vha Vhakriste, nahone vha issa phanda. Hezwo ndi zwine vha zwi ḥoda. Hezwo ndi zwe vha zwi ita tshifhinga itsho.

<sup>161</sup> Fhedzi, elelwani, ndi kha tshifhinga tshi ngaho tshenetsho, sa zwe Mudzimu a fulufhedzisa kha Maleaxi 4, uri U ḍo khunyeledza Ipfi hafhu. Ndi zwone. Vhonani hune ra vha hone ḥamusi, u tou fana na zwe zwa vha zwi zwone nga tshifhinga tsha Yohane, u tou fana na zwe zwa vha zwi zwone kha zwiňwe zwifhinga.

<sup>162</sup> Sedzani uyu Amosi muṭuku wa kale a tshi takuwa, muthu muṭuku wa kale. A ri ḋivhi hune a bva hone. O vha e mulisa. Mudzimu o vha a tshi mu bvisela nnda mafuloni a nngu na mafuloni a kholomo, huno, nahone a tshi mu gudisa. Huno musi a tshi ḍa Samaria, na musi a tshi rahuwa nahone a gonya uyo muvhundu ilo ḫuvha, a sedza fhasi hangei. Huno ilo ḫuvha li tshi khou penya kha phanda ya ḫohoho yawe, na ndebvu dzawé dzo tshena, na maṭo awe o valeanyana nahone a tshi penya. Maṭo

awe a u ofha Mudzimu a poidza, hu si nga mulandu wa vhupo he vhaendelamashango vha vhu vhona musi vha tshi dzhena khawo, ngauri mudi wothe wo vha wo dinekedza kha tshivhi.

<sup>163</sup> Ndi nnyi uyu muthu muṭuku, a sa divhei? Ee, ndi Amosi, muporofita. O porofita maduvhani a Yerobeamu wa Vhuvhili, khosi yo kheluwaho, i tshi tendela vhathe u ita tshiñwe na tshiñwe. Vhotshifhe vho vha vho tangana nazwo tshothe. Vho fhaṭa kereke dzavhudisa. Vho vha na zwiambaro zwavhudisa. Vhasadzi vhavho vho vha vha si na mikhwa. Vho ambara nga ndila inwe na inwe ine vha ḥoda. Vhaendelamashango vho dadza huñwe na huñwe, u vhona vhasidzana vho nakaho na zwe vha vha vha tshi khou ita.

<sup>164</sup> I tou vha inwe U.S.A. ya musalauno, i no tea u vha vhathe vha Mudzimu. A hu na muthu a no amba tshithu nga hayo. I vhonala i tshi tou vha tshiñwe tsho ombesaho vhathe. Fumiṭha- . . .

<sup>165</sup> Miñwaha ya fumimalo zwino, ḥamusi! Rebekah wanga u na fumimalo ya miñwaha, ḥamusi. Miñwaha ya fumimalo, ndo mona na lushaka holu, ndi tshi sola zwithu hezwi. Huno musi ndi tshi vhuya, ḥwaha na ḥwaha, hu na vhasadzi vhanzhinyana vho fhungudzelwaho mavhudzi u fhira vhe vha vha vhe hone ndi tshi thoma lwa u tou thoma-thoma.

<sup>166</sup> Mureri, muhulwane a divheaho wa Pentekoste o nnzhenisa lufherani, ḥwaha wo fhiraho u tshi ḥodou fhela, wavhudzi, a divheaho nga maanda, munna a divheaho shangoni nga vhuphara. O ri ndi . . . “Mukomana Branham, kha vha ri ndi vhee zwanda zwanga khavho huno ndi vha rabelele.”

Nda ri, “A thi lwali.”

<sup>167</sup> A ri, “Fhedzi hu na tshiñwe tsho khakheaho.” A ri, “Mukomana Branham, vha do tshinya mushumo wavho. A hu na a no ḥo vha na tshumisano. A zwi mangadzi vhareri vha sa do shumisana navho; ndi nga mulandu wa ndila ine vha vhea avho vhasadzi mulandu ngayo.”

A ri, “Avho vhathe vha vha vhidza muporofita.”

Nda ri, “Na kathihi a tho ngo ri ndi ene.”

<sup>168</sup> A ri, “Fhedzi vha elekanya uri vha ene.” A ri, “Ndi tenda zwenezwo zwithihi.” A ri, “Vho vhidzelwa u rabelela vhalwadze.” A ri, “Kha vha rabelele vhalwadze, huno vha litshe avho vhasadzi vhe vhothe. Vha vhaisa vhuḍipfi havho.”

Nda ri, “Hani?”

<sup>169</sup> A ri, “Vha tshi amba nga havho vho ambara mavhudzi o fhungudzelwaho na zwithu.”

Nda ri, “Hezwo zwo khakhea.”

<sup>170</sup> Bivhili yo ri, “Musadzi ane—ane a ḥunya mavhudzi awe, munna wawe u na pfanelo ya u mu ḥala.” Ndi zwone kokotolo. “U nyadza ḥoho yawe.” Hezwo ndi zwe Bivhili ya amba. Zwino

a thi ḋivhi uri kana izwo ni a zwi takalela kana hai, fhedzi izwo ndi zwe Bivhili ya amba, kha Vhakorinta Vha U Thoma.

<sup>171</sup> [Hu na tshikhala kha theiphi—Mudz.] . . . lukanda lwo patea u swika lukanda lu tshi vha nn̄da. Huno zwenezwo vha—vha a da, vha ri, “Mulandu, Vho-Branham, holwo ndi lwone lushaka lu lwoṭhe lwa zwiambaro zwine vha rengisa.”

<sup>172</sup> Vha kha di vha na thundu na mitshini ya u runga. A hu na tsha u ḋiländula. Vhasadzi vha Vha-Amish na Vha-Dunkard vha kha di zwi ambara. Ngangoho. [Tshivhidzo tshi vhanda zwanda—Mudz.]

Huno hu bvelela mini? Vha a bva henefho huno vha isa phanda.

<sup>173</sup> Musadzi o ri, “Zwo luga, Vho-Branham, a thi ambari dzishothi. Ndi ambara zwi- . . .” Ndi mini izwo, džiti . . . [Murathu u ri, “Džitirapa.”—Mudz.] Iina. A ri, “Ndi a zwi ambara.”

<sup>174</sup> Nda ri, “Izwo zwo vhifhesa.” Nda ri, “Bivhili i ri, ‘Ndi vhuṭuzi kha musadzi u ambara tshiambaro tsho teaho munna.’” Huno ndi mbono ya lushaka-de i vthonalaho yo tshikafhala ine ili United States la vha yone zwino! Ni a vhonan? Ndi zwone.

<sup>175</sup> I ri ni ndi ni vhudze tshiňwe tshithu, khaladzi. Ni nga vha no kuna sa volenga, kha munna waṇu kana khonani yanu ya mutukana, fhedzi nga ḫuvha la Khaṭhulo ni khou ya u fhindula nge na ita vhupombwe. Yesu o ri, “Ane a lavhelesa musadzi, u mu emula, o no di ita vhupombwe nae.” Arali uyo muitazwivhi o ni lavhelesa, huno wa musadzi u tea u fhindula nga ḫuvha la Khaṭhulo. No ḋinékedza khae. Itani tshine na funa. Uh-huh.

<sup>176</sup> Mulandu musadzi a ofhaho Mudzimu a tshi nga ḫoda u ambara nga u ralo? Zwenezwo ni ima kha la uri ni na Muya Mukhethwa ngauri no amba nga dzindimi nahone na gidima n̄tha na fhasi fuloroni? Izwo, naho, ndo no vhonan vhahedeni vha tshi zwi ita, Vhahotentoti. Muya Mukhethwa ndi lukuna, mukhethwa, u songo tshikafhalaho. A hu na na thimothimo.

<sup>177</sup> Uyu munna o ri, “Arali vha . . . Vha tenda uri vhone vha muporofita. Mulandu vha sa vha funzi uri vha nga ḫanganedza hani zwifihiwa zwiḥulwane zwa mya, na uri vha nga itela hani Mudzimu zwithu? Mulandu vha sa vha funzi izwo arali vha muporofita?”

<sup>178</sup> Nda ri, “Ndi nga vha funza hani mbalo ngeno vha sa nga vhi vha guda ABC dzavho?” Ni a ḋivha uri ABC zwi amba mini? Tshifhinga tshoṭhe tendani Kristo. Uh-huh. Izwo ni khou yo zwi ita hani? Ni a vhonan, ni ḫoda u swika n̄tha hangei, vhudzuloni ha u thoma fhasi *hafha*.

<sup>179</sup> Mudzimu u do fhaṭa Tshivhidzo Tshawe kha mutheo wa Yesu Kristo, huno uyo ndi Bivhili. Nga nn̄da hayo, mañwe mavu oṭhe

ndi muṭavha u mbombomelaho. Mudzimu ha shanduki. Nzulele Yawe a i shanduki.

<sup>180</sup> O sika vhasadzi u fhambana na munna, na munna u fhambana na vhasadzi. O vha ambadza u fhambana, huno u ḥoda vha tshi dzula vho tou ralo. Ni a vhona? Vhasadzi vha ḥoda u fana na munna, huno munna u ḥoda u fana na vhasadzi. Yawee, nnenne! U shandea ho raloho! Ndi...Huno tshithu tshoṭhe, tshi vhonala tshi nga tsho fara vhathu, huno ni nga si zwi shandukise. Tshi vhonala sa dithu l̄ihulwane, vhutswu vhuhulwane; arali ni tshi pфesesa zwine nda khou amba nga hazwo, muyani. Dithu lo vha fara, huno vha—vha nga si tou kona u ḥuwa khalо; Hollywood yo kalulaho, thelevishini yo kalulaho, vhuňwe vhuťafuťafu ho kalulaho. Tshiňwe na tshiňwe ri re natsho tsho tshikafhala. A zwi mangadzi, “Arali mushumo u sa pfufhifhadzwi, u itela Vhanangiwa, a hu nga vhi na nama i no do tshidzwa.”

<sup>181</sup> Inwi no ri, “Na kathihi izwo a tho ngo zwi dīvha tshifhingani tsho fhiraho.” Zwo luga, zwino ni a zwi dīvha, u bva zwino u ya phanda. Ni a vhona? Ndi...Ndi khwine izwo ndi tshi zwi litsha. Kha ri humele murahu. Dzhielani nzhele.

<sup>182</sup> Yohane o vha e tshiga. Huno elelwani uri, nga ndila ye Mudzimu a zwi ita lwa u thoma, ndi nga ndila ine A ḥo zwi ita hafhu. O fulufhedzisa u ralo. Zwino, na kathihi Mudzimu ho ngo shumisa tshigwada tsha vhathu, nga tshiňwe tshifhinga, kha zwo raloho.

<sup>183</sup> Elelwani, ho vha hu na tshigwada tshiňwe tshifhinga, tshe, munna muhulwane a no pfi Ahaba, ađiwanela...a dīwanela vhaporofita vha Vhaisraele vha mađana mana. Zwino, avho vho vha vha si vhaporofita vha vhahedeni. Vhaporofita vha Vhaisraele vha mađana mađana. Vhoṭhe vho vha vhe na digirii yavho na tshiňwe na tshiňwe, vhe na tshikolo tshihulu.

<sup>184</sup> Ho vha hu na munna a ofhaho Mudzimu a no pfi Josafati, we a vha e khosi ya Yuda, huno a da fhasi. Huno heneffo ndi he mutendi a dītanganya na mudzia-u-sa-tenda. Zwithu zwa khakhea.

<sup>185</sup> Huno o ri, “Ramothe-Gileada.” Zwino sedzani hezwi, uri zwi nga vha ngoho hani. O ri, “Ramothe-Gileada ndi hashu, ntha hangei. Ntha kha tshipida tsha shango ntha hangei, ndi hashu.” Joshua, musi a tshi khethekanya mashango, o li nea Israele. Huno Vhafilista, vhahedeni, vho da nahone vha vha dzhiela lone. A ri, “Heļo ndi lashu.”

<sup>186</sup> Zwino sedzani nga ndila ine, nga u tevhedza izwi vhurereli, vhathu vha nga luga huno naho zwo ralo vha si Li ḥalukanye. Heļo zwavhuđivhuđi lo vha li la Israele. Fhedzi pfulufhedziso dzoṭhe dza Mudzimu, murathu, dzi ya na nga nyimele, ni a vhona, “Arali vha tshi tshimbila phanda ha Murena.”

<sup>187</sup> Zwino vhonani hafha. O ri, “Ni ḋo gonya na nne, nahone na nthusa u dzhiulula iilo shango? Zwo luga, ndi, avho vhana vha Vhafilista vha no khou dadza thumbu dzavho nga hangei, nga goroi i re ya Israele.” Hezwo ndi zwone u ya nga Luñwalo. A ri, “Nthuseni u gonya huno ndi vha wane.”

<sup>188</sup> A ri, “Zwo luga, dzanga . . .” Henefho o ita khakho nga u ṭavhanyedza. “Gariki dzanga ndi dzañu, vhatu vhanga ndi vhatihhi na vhañu. Ndi ḋo ṭuwa na inwi.”

<sup>189</sup> Huno zwenezwo Josafati a thoma u elekanya, ni a ḋivha. “Nandi, a ri kwami Murena nga ha izwi ri sa athu ṭuwa?”

<sup>190</sup> “Oo, zwo tou ralo,” Ahaba a ri, “hu si na na u timatima. Uh-huh. Mpfareleni. Ndo—ndo tea u vha ndo elekanya nga hazwo.”

“Naa a hu na muporofita huñwe fhethu?”

<sup>191</sup> “Oo, ngangoho. Ndi na—ndi na se—seminari yavho hangeno, ya khwinesa ye na vhuya na i vhona. Vhothe vha ambara zwiambaro zwavhuñdisa. Ndi zwikola zwo funzeswaho. Ndo vha funza, u swika magumoni. Ri ḋo ya ra vha wana.”

<sup>192</sup> Ngauralo vha tsela henengei. Huno vha kuvhangana vhothe henengei. Vho vha vha sa hoyi. Vho rabela vha rabela vha rabela, u swikela vha tshi vhona bono.

<sup>193</sup> Zwenezwo vha da. Huno muñwe wavho a mu itela ḥanga mbili khulu nga tsimbi. A ri, “Nga idzi ni khou yo pwaṭula Mufilista, kana vha—Vhaasuri, thwii nn̄da ha shango.” A ri, “MURENA U RALO. Gonyani, Murena u na inwi.” Muñwe na muñwe wavho, zwenezwo, mbilu i nthihi, a vha muyani. Vhaporofita vha Vhaisraele vha ri, “Gonyani, Murena u na inwi.” Inwi ni ri, izwo zwi Luñwaloni? “Mudzimu o nekedza heli ifa kha vhatu, huno swina li nało. Ni na pfanelo ya u ya u li wana.”

Zwino, Pentekoste, ndi ḥoda ni tshi wana ngudo hafha.

<sup>194</sup> Fhedzi, Josafati, e munna a ofhaho Mudzimu, o ri, “Hu na tshiñwe tshithu tshine tshi kha ḋi vha tsho khakhea zwiñuku.” A ri, “A ni na muñwe hafhu?”

<sup>195</sup> “Muñwe hafhu, nga murahu ha musi vhaporofita vho gudiswaho zwavhuñdi vha madana maña vho ima hafha?” Vhe vhanzhi vhunga hafha fuloroni ya phasi hafha. “Vho ima mbilu i nthihi, vha tshi ri, ‘MURENA U RALO.’ Li humiseleni murahu, huno ni ri, ‘Yoshua o ri ḥea shango. Ndi ḥashu. Iyani u li wana!’”

<sup>196</sup> Fhedzi Josafati o humbela muñwe. O ri, “Naa a hu na muñwe ane ri nga kwama Murena nga khae?”

<sup>197</sup> A ri, “Oo, hu na muñwe hafhu, fhedzi,” a ri, “ndi a mu vhenga.” Uh-huh, uh-huh. A ri, “Ndi Mika, murwa wa Yimila.” A ri, “Ndi a mu vhenga. U dzulela u amba mavhi nga ha nñe.”

Ha pfi, “Ni songo tendela khosi i tshi ralo. Iyani u mu dzhia.”

<sup>198</sup> Zwenezwo vha rumela vhañwe vhagidimi henengei. Huno vhañwe vhavho vha ri, “Zwino, Mika, ndi ḥodou vhudza tshiñwe

tshithu. Zwino, u a divha uri vho u khaul,-ula kha khwerano, a si kale-kale, ngauri u dzulela u vhudza vhatu zwithu zwivhi. Zwino arali u tshi ḥoda u wana garaṭa yau ya khwerano murahu, u ambe zwenezwo zwithihi zwine vha ita, huno, oo, vha ḥo tou kuvhatedza.”

<sup>199</sup> Fhedzi o swika he a vhonala uri vhukuma o vha e muporofita. A ri, “Nga vhutshilo ha Murena Mudzimu, ndi ḥo amba fhedzi tshine Mudzimu a vhea mulomoni wanga.” Oo! Mudzimu a fhaṭutshedze uyo munna. A ri, “Lindelani u swika nga madekwana, huno ndi ḥo vhona zwine Murena a mmbudza.”

<sup>200</sup> Nga matsheloni a tevhelaho, a ri, “Gonyani, fhedzi ndo vhona Israele vho balangana sa nngu dzi si na mulisa.” Zwenezwo a dzhia bono ḥawe huno a li vhambedza na zwe Eliya a amba, zwe zwa bvelela kha Ahaba. O vha a tshi nga fhaṭutshedza hani zwe no seṇwaho? A hu londwi uri ndi zwingafhani . . .

<sup>201</sup> Ri lushaka lu ofhaho Mudzimu. Tshivhidzo tsha Pentekoste, Baphuthisi, na Methodisi, na zwiñwe-vho, ndi zwivhidzo zwa Vhakriste, fhedzi ni nga fhaṭutshedza hani zwe Mudzimu a zwi sema? A thi londi, inwi ni ralo, “Ndo—ndo dzhoina *hetshi*. Ndo ita *hetshi*.” Hezwo a zwi na vhukwamani nazwo. Vhonani zwe na ita. Sedzani kha Pentekoste, uri vha litshedza hani. Sedzani zwe na vha ni tshi dzulela u vha zwone, huno ni sedze zwine na vha zwone zwino. A zwi mangadzi, maṭo a, maṭo o pofudzwa.

<sup>202</sup> Zwenezwo a, Ahaba, tshi . . . Uyu tshifhe a mu bamudza mulomo. Huno a ri, “Mu vheeni,” nahone Ahaba a ri, “mu humiseleni murahu afho kha dzhele ya nga ngomu. Musi ndi tshi vhuya nga mulalo, ndi ḥo shumisana na hoyu muthu.”

<sup>203</sup> A ri, “Arali na dovha na vhuya, Mudzimu ho ngo amba na nne.” Uh-huh? Ni a vhona? Ho vha hu na muporofita, ho vha hu na tshiga; ho vha hu na ipfi Ławé. Huno, u kundelwa u li thetshelesa, zwe ḥisa khaṭhulo.

<sup>204</sup> Muya Mukhethwa ndi muporofita washu namusi. Na kundelwa u pfa Ipfi Ławé? O divhadzwa Luñwáloni, uri U do amba hezwi zwithu. Yesu Kristo, tshivhumbeo tsha Muya Mukhethwa!

<sup>205</sup> Mudzimu o shuma na munna hoyu muthihi. Hoyu, Mudzimu na kathihi ha shumi na zwigwada; ndi nga munna muthihi. Eliya o vha e si tshigwada. Yohane o vha e si tshigwada. Vho vha vhe si tshigwada kana dinomineisheni, kana tshiñwe tshazwo. Fhedzi vhuvhili hazwo zwo sola zwo raloho. Ndi zwone. Yohane o ri, “Ni songo elekanya u ri ri na Abrahamu sa khotsi ashu. Mudzimu u a kona u vusela Abrahamu vhana nga haya matombo.”

<sup>206</sup> Huno tshiga tsha tshifhinga tsha vhufhelo tshi ḥo vha na Ipfi la tshifhinga tsha vhufhelo. Huno tshiga tsha vhufhelo tshi ḥo vha u ya nga zwe zwa buliwa Bivhilini. Huno Ipfi la tshifhinga tsha vhufhelo, li no tevhela tshiga tsha tshifhinga tsha vhufhelo,

li do divhadzwa kokotolo Luñwaloni, li do vha Luñwalo lwo fulufhedziswaho.

<sup>207</sup> Zwino ro vhala kha Luka 17 zwine tshiga tsha tshifhinga tsha vhufhelo tsha do vha, tshi do nga sa zwe tsha vha tshi zwone Sodoma, pfulufhedziso. Huno ri na Sodoma kha mupo, mulandu ri sa tendi tshiga kha myua afha? Arali ni tshi kona u vhona Mañwalo, na yone, Luka 17 ndi tshiga, huno Maleaxi 4 ndi Ipfi. Tshiga tsho vha tshi tshi nga Mudzimu o vhonadzwaho ñamani, a tshi divha zwiphiri zwa mbilu; huno Ipfi la Maleaxi 4 lo vha li tshi khou rembulusa vhathu u bva kha ndaela dzavho, murahu kha Lutendo lwa vhokhotsi. Hetsho ndi tshiga.

<sup>208</sup> Ni a divha uri mini? Ndi khou vala zwino. Kanzhi-kanzhi zwiga zwi a ñanganedzwa, ngangoho; fhedzi, ipfi, oho, hai. Ipfi li no tevhela tshiga, a vha ñodi u pfa na tshithu nga halo. Ee.

<sup>209</sup> Tshiga tsha Yesu, sa Mesia, u fhodza vhalwadze, vho tshi ñanganedza. Fhedzi linwe ñuvha O ri, “Nñe na Khotsi ri Muthihi.”

<sup>210</sup> Yawee, nnenñe, ilo ipfi a lo ngo ñanganedzwa. Vho ri, “U Diita Mudzimu, a linganaho na Mudzimu.”

A ri, “Ndi Murwa wa Mudzimu.”

<sup>211</sup> “Yawee, nnenñe, Mudzimu a nga vha hani na Murwa? Ni a vhona, kha zwi vhe kule na Mudzimu u vha na Murwa!”

<sup>212</sup> Fhedzi, ni a vhona, vho tenda tshi—tshiga, vhalwadze vha fhodzwa, nahone, oo, hezwo zwo vha zwi tshi mangadza, hezwo zwo vha zwi tshi tou vha zwavhudisa. Fhedzi musi zwi tshi da kha ipfi, a vho ngo ñoda u tenda ipfi. Vho itani? Vho Mu bvisela nnnda.

<sup>213</sup> Huno ni a divha uri mini? Bivhili i a ri vhudza, kha Nzumbululo ndima ya 3, kha itsi Tshikhathi tsha Tshivhidzo tsha Laodikea, uri U do itwa zwenezwo zwithihi. O vha e nga nnnda ha tshivhidzo. Helo ndi Ipfi lo vhonadzwaho. O vha e Ipfi lo vhonadzwaho. U kha ñi vha Ipfi lo vhonadzwaho.

<sup>214</sup> Arali ni tshi nga tenda tshiga tsha Sodoma, tsha Luka, arali izwo ni tshi nga zwi tenda, zwenezwo mulandu ni sa ñanganedzi Ipfi la Maleaxi 4? Ni a vhona, mulandu ni sa rali, inwi? Li nga khwañhisedzwa. Ndila i yothe ine zwi nga itwa ngayo ndi... Tshiga tshi nga sumbedzwa, fhedzi ni tea u ñanganedza Ipfi.

<sup>215</sup> Mushe o newa ndaela uri a tse, lwa mupo, huno a wane tshiga tsha myua nähone a vhidzele vhathu murahu kha pfulufhedziso dza vhokhotsi.

<sup>216</sup> Maleaxi 4 u do vhuyedzedza vhathu “Murahu kha Lutendo lwa vhokhotsi.” Yawee, vhuyani, Oo no pofulaho nahone no balanganaho, kha zwañu!

<sup>217</sup> Kha u vala, ndi do amba heyi, ñhaluso ya u fhedzisela. Muporofita o ri, “Hu do vha Tshedza tshifhingani tsha

madekwana.” Vhonani, o ri, “Hu do vha na ḋuvha line li sa do vhidzwa masiari kana vhusiku.” Zwino thetshelesani. Ndi khou vala. “Hu do vha na ḋuvha . . .” I ri ni izwi zwi nwelele, huno Mudzimu nga a zwi vhee mbiluni iñwe na iñwe kha itshi tshitshavha, madekwana ano, oditoriamunini heyi. Muporofita o ri, “Hu do vha na ḋuvha line li sa do vhidzwa masiari kana vhusiku, li no tou nga li a ṭungufhadza, la mvula, ḋuvha la khuli. Fhedzi,” a ri, “nga tshifhinga tsha madekwana, hu do vha na Tshedza.”

<sup>218</sup> Zwino, elelwani, ḋuvha li dzulela u ṭavha Vhubvaduvha nahone la ya vhukovhela. Vhubvaduvha ho tevhela ḋuvha. Hezwo ni a zwi ḋivha. Huno, dzhielani nzhele, ḋuvha lenelo li ṭavhaho Vhubvaduvha ndi lenelo ḋuvha li no kovhela Vhubvaduvha. Zwino, vhutshilotshedza ho tshimbila na ḋuvha kokotolo, u swikela zwino Vhubvaduvha na Vhubvaduvha na Vhubvaduvha.

<sup>219</sup> Huno, elelwani, Mafhungo-maqifha o tshimbila nga u tou ralo. O takuva Vhubvaduvha, u da ha Yesu Kristo, M-u-r-w-a, hu si d-u-v-h-a. M-u-r-w-a, Murwa wa Mudzimu, o ṭavha Vhubvaduvha, kha vhatu vha Vhubvaduvha.

<sup>220</sup> Huno zwino ho vha na ḋuvha le vhatu vha dzhoina tshivhidzo, vha ita dzidinomineisheni, tshedza tsho edanaho u vhona, “Zwo luga, ri do vha na tshivhidzo. Ri do fhaṭa hetshi. Ri do fhaṭa tshikolo. Ri do fhaṭa sibadela. Ri do funza. Ri do vha na seminari.” Vho no vha na tshedza tsho edanaho u ita hezwo.

<sup>221</sup> Fhedzi, elelwani, Bivhili yo ri, muporofita wa Murena, Bivhilini, a re MURENA U RALO, “Lenelila ḋuvha le la penya Vhubvaduvha li do penya hafhu Vhubvaduvha, nga tshifhinga tsha madekwana. Hu do vha Tshedza tshifhingani tsha madekwana.”

<sup>222</sup> U do ita mini? Hezwo zwi ita kokotolo zwe A amba kha Luka ndima ya 17. “Tshifhingani tsha vhufhelo, musi Murwa-muthu a tshi khou dzumbululwa nga ndila yeneila ye A vha ngayo Vhubvaduvha, Murwa onoula a tshi penya, Maanda eneala, Muya Mukhethwa wonoula, Tshithu tshenetsho tshi tshi khou ita zwenezwo zwithihi. Hu do vha Tshedza tshifhingani tsha madekwana.”

<sup>223</sup> Lenelila ḋuvha le la tshimbila; onoula M-u-r-w-a o tshimbila; o tsa nga Vhubvaduvha, a tshi bva kha Paulo; a fhufhela Germany, kha Martin Luther; a fhufha hafhu, kha mururo Wawe u tevhelaho; huno a bva kha uyo a ya England, kha John Wesley; a fhufha a pfuka Danzhe la Atlantic, a ya United States, kha Pentekoste; huno zwino Pentekoste yo xeletwa nga vhuhulwane hayo, huno ri kha Khunzikhanzi.

<sup>224</sup> Muñwe na muñwe wavho, o dinomineitha, vhunga zwe vha ita urangani, vho ita dzangano le Mudzimu a li sema. Pentekoste, na oṭhe, o ita izwo.

<sup>225</sup> Fhedzi O ri, “Hu ḋo vha Tshedza tshifhingani tsha madekwana. Hu ḋo vha na u ṭavha ha tshiga tshifhingani tsha madekwana.” Li songo ni pfuka, dzikhonani. Li songo ni pfuka. Zwino, Murwa onoula u ḋo nea Tshedza tshenetshiila. D-u-v-h-a ḥenelila li nea tshedza tshenetshiila tsha d-u-v-h-a. M-u-r-w-a onoula u nea tshenetshiila Tshedza tsha M-u-r-w-a.

<sup>226</sup> Zwino, iyo a si nyambo yanga. Muñwe na muñwe hafha, u a ḫivha uri Bivhili i amba zwenezwo, imisani zwanda zwanu. [Tshivhidzo tshi ri, “Amene.”—Mudz.] Hezwo ndi zwone kokotolo.

<sup>227</sup> Zwino, ni nga kona, zwi kha inwi. Tendani uri Murwa wa Mudzimu, Yesu Kristo, o, ho ngo fa. U a tshila. U kha u ḫitukufhadza, a ḫitukufhadzaho. O dzulela u tou vha nga u ralo. Nqila ya u ya n̄tha i fhasi. ḫitukufhadzeni, ḫutshelani mihumbulo yanu ya u kond̄a, huno ni tende Murena Yesu. Vhonani tshiga, zwenezwo ni tende Ipfi. Vhuyani, Oo no balanganaho, kha zwanu!

Kha ri kotamise zwifhaṭuwo zwashu.

<sup>228</sup> “Huno arali vha sa tendi Ipfi la tshiga tsha u thoma, tshandani, sa zwe zwa vha zwi zwone kha Mushe, zwenezwo ita tshiga tsha vhuvhili. Zwenezwo, arali vha sa tendi itsi tshiga, zwenezwo dzhia madi (madi a tshi imela vhutshilo) a re ḫanzheni kana lwanzheni, a shele kha mavu, a ḋo vha malofha.”

<sup>229</sup> Khotsi wa ṭaqulu, vhukuma tshifhinga tsho ṭuwa zwino, fhedzi Wo fulufhedzisa uri hu ḋo vha na Tshedza nga madekwana. Ita uri Ipfi la Mafhundo-madifha ashu li nwelele fhasi mbiluni dza vhathu, musi vha tshi elekanya nga Halō nahone vha li guda nga Ipfi.

<sup>230</sup> Fhaṭutshedza itsi tshitshayha, Murena. Fhaṭutshedza avha vhathu. Vha vhone vho dzula hafha, vha na ndala, vhana vha shayah vha no rahekanywa nahone vha tsikeledzwa, huno hezwi, hu tshi dihwa uri Saṭhane o ita izwo u itela fhedzi u vha pofudza kha tshithu musi Tsho swika heneffo. Kha vha, tende Yesu Kristo, madekwana ano, mbilu i nthihi, vha tende pfulufhedziso Yawe, ya uri O vuwa vhafuni.

<sup>231</sup> Wo ri, “Nga tshifhinga tshine vha sa tshi humbule, zwenezwo Murwa-muthu u ḋo da.”

<sup>232</sup> Zwenezwo musi tshivhidzo tshi na, tshelede yatsho nnzhinyana, tshi tshi fhaṭa zwifhaṭo zwa dolara dza dzimilioni. Vha ḋo vha khwine, Khotsi, ndi a tenda, vho ima murahu khudani, vha tshi lidza tha-thamborini, vhe na muñadzi tshandani tshavho, ngoma ya kale i khudani sa Mmbi ya Tshidzo, u fhira zwine zwa ḋo vha zwone ho dzulwa ngomu ha iyi mimotshara mihulwane madekwana ano, vha tshi lingedza u ḫifanyisa na shango, “Vhe na tshifanyiso tsha u nga vha ofha Mudzimu, huno vha tshi landula Maanda aho.”

<sup>233</sup> Nea, Murena, madekwana ano, luthihi hafhu, Murena; sa Simisoni o vhidzelela, "Luthihi hafhu, Murena, luthihi hafhu." Kha zwi divhee uri Iwe u Kristo, Murwa wa Mudzimu; onoula wa mulovha, ɿamusi na u ya nga hu sa fheli. Huno Didivhadze vhukati hashu, uri vha kone u vhona tshiga, khamusı vha do tenda Ipfi. Kha hezwi, ndi a humbela Dzinani la Yesu Kristo. Amene.

<sup>234</sup> Ri khou yo vhidza muduba wa thabelo, nga u ḥavhanya. Ndo zwi vhona uri vhukuma ndi tshifhinga zwino tsha uri ri vhe ro no thoma u balangana. Fhedzi kha ri vhe na muduba wa thabelo, muduba muṭuku zwawo wa thabelo, zwenezwo ri do thoma matshelo.

<sup>235</sup> U nea garaṭa dza thabelo ɿamusi. Ngauralo, ri nea dzigaraṭa ḫuvha liñwe na liñwe, u itela uri muñwe na muñwe a wane tshikhala tsha urı vha de, tshifhinga tshi songo doweleaho. U dzhena mudubani wa thabelo, izwo a zwi ni fhodzi. Nnyi na nnyi u a ḫivha, muṭanganoni muñwe na muñwe, hu na vhanzhinyana vha fhodzwaho mn̄a afho u fhira vha fhodzwaho hafha, ni a vhona, tshifhinga tshoṭhe. Muya Mukhethwa u tou vha hoṭhe-hoṭhe. U khou lingedža fhedzi u wana vhatendi, ndi zwenezwo fhedzi, hune U nga ya.

<sup>236</sup> Nekedzani garaṭa dza thabelo dza P, vhunga kha Paulo. Kha ri, ro vha ri ngafhi... Zwo luga, ndi do vhidza u bva kha nthihi. Nthihi, mbili, raru, ina, thanu, rathi, sumbe, malo, ṭahe, fumi, kha vha ime nga ngeno *hafha*, arali vha tshi kona. Garata yavho ya thabelo ya P, vhunga kha Paulo, nthihi u swika kha fumi, imani nga ngeno hafha kha lurumbu *holu*, arali ni tshi nga ima. Arali ni sa koni, zwenezwo ri do wana muñwe uri a ni thus. Fumi; nthihi, mbili, raru, ina, thanu, rathi, sumbe, malo... Zwo luga, vhañwe vhavhili. Malo, ṭahe, fumi, zwo luga. Fumi u swika fumiṭhanu, fumi u swika fumiṭhanu, vho engedzea nga vhaṭanu. Fumiṭhanu u swika fumbili, imani uri ndi kone u vhona arali ni tshi takuwa; P, fumiṭhanu u swika fumbili. Fumbili u swika fumbiliṭhanu. Kha ri vhone zwino, huñwe na huñwe hune na vha hone. Zwino litshani vhañwe vhathetshelesi vha ḫonifhe vhukuma, lwa miniti i si gathi. Iyo i do vha garaṭa ya thabelo P, nthihi u swika fumbiliṭhanu. A si zwone? Fumbiliṭhanu, nthihi u swika fumbiliṭhanu.

<sup>237</sup> Zwino muñwe na muñwe-who kha a vhe a ḫonifhaho vhukuma. Neani Mudzimu iyo ḫonifho nngafho, neani Mulaedza. Ni tea u zwi itela Mudzimu, u sedza lwa tshifhinganyana na humbula.

<sup>238</sup> Zwino ndi elekanya uri vha khou ita uri vhathu vha luge. Avho vhane vha sa... Arali vha na garaṭa ya thabelo, vha songo ita muduba vhoṭhe, vha do ḫodisisa; vha do mmbudza hu sa athu fhela miniti i si gathi, huno zwenezwo vha do... zwenezwo ri do vhona arali hu na muñwe a sa pfi kana muñwe ane a sa kone.

<sup>239</sup> A thi ḋivhi hune dza vha hone, dzikhonani, idzo garaṭa dza thabelo. Mutukana u da ngeno fhasi... [Mukomana Branham u vhudzisa muñwe a re kha pulatifomo, "Ndi nnyi a no dzi kovha? No zwi ita, kana Billy? Billy?" —Mudz.] Musi a tshi da, huno a vanganya idzo garaṭa, phanda ha inwi vhathe, zwenezwo a ni nea garaṭa ya thabelo; a tsela fhasi, a ni vhudza nothe uri ni dzule fhasi, a ni Ḇea garaṭa ya thabelo. Ni a vhona? A thi ḋivhi hune vha vha hone. Ndo vha ndi tshi khou lingedza u disa hoyu ḥwana n̄tha hafha, ni a vhona. Huno, vhañwe, a—a thi ḋivhi nga ha, a—a thi na ndila ya u ḋivha izwo. Ndi humbulela uri Mudzimu u tou zwi ta nga ndila ine A ḫoda zwi tshi tiwa nga u ralo.

<sup>240</sup> Zwino, zwino vhoiñwi vhañwe, vha si na garaṭa ya thabelo. Imisani tshanda tshanu, ni ri, "A thi na garaṭa ya thabelo, fhedzi ndi a lwala." Imisani tshanda tshanu, huñwe na huñwe ngomu ha tshifhaṭo. A thi londi hune na vha hone, imisani tshanu... Zwo luga, zwenezwo a hu tou vha na vhathe vhanzhisa hafha, zwino. Zwo luga, u ya nga izwo, a zwi nga do dzhia tshifhinga tshilapfu u rabelela muduba wa thabelo zwino matshelo. Hu na vha no ḫodou swika fumbili ngomu hafha, hu si na o imaho hafha, a no lwala.

<sup>241</sup> Ndi zwavhuđi. Ndi a takala u ni vhona ni tshi zwi ḥanganedza nga u ralo. No vha na lutendo lwo engedzeaho u fhira zwe nda elekanya uri no ralo, khamusi. Ni a vhona? Ni a vhona? Arali no ḥanganedza phodzo yanu, laṭani garaṭa yanu, Mudzimu a ni fhaṭutshedze. Holwo ndi lutendo vhukumakuma. A hu na we a vhea zwanda kha inwi; no vhea zwanda kha Kristo.

<sup>242</sup> Zwino vhoiñwi hafha madekwana ano, vhane ni sa do vha mudubani wa thabelo, ni a tenda tshiṭori hetshi. Vhunga musadzi we a kwama lupendelo lwa tshiambaro Tshawe, huno A rembuluwa nahone a limuwa uri o Mu kwama, ndi vhangana vha no elelwa tshiṭori? Ngangoho, ni a ralo.

<sup>243</sup> Zwino ni a tenda uri, O, Bivhili yo amba kha Vhaheberu 4, zwauri, "Ene u Tshifhe Muhulu, zwa zwino, ane a kona u ri pfela vhuṭungu kha u shaya nungo hashu"? [Tshividzo tshi ri, "Amene." —Mudz.] Zwo luga, arali E onoula wa mulovha, namusi, na u ya nga hu sa fheli, O vha a si nga iti nga ndila yo raloho? ["Amene."] Naa Ho ngo zwi ita, vhusiku na vhusiku, afha? ["Amene."] Ndi vhangana vho vhaho kha miñwe miṭangano huno vha Mu vhona a tshi zwi ita? Itounu imisa. ["Amene."] Ngangoho. Ni a vhona? U mona na shango! U a ḋivha, U ḋivha zweñoha inwi.

<sup>244</sup> Zwino vhonani zwine nda khou lingedza u ita. Ndi vhangana vha no pñesesa zwine nda ḫoda ni tshi zwi ita? Ni a vhona? Ndi ḫoda inwi, hu si na muñwe a vheaho zwanda kha inwi, ndi ḫoda inwi, sa murado vhukuma wa Mudzimu, ni tshi ri, "Yesu Kristo, ndi a U tenda. Ndi U ḥanganedza zwino sa mufhodzi wanga. Ndi U ḥanganedza zwino sa Mutshidzi wanga. Ndi zwi tenda

nga mbilu yanga yothe, mushumo wazwo wo itwa.” Zwenezwo farani iyo pfulufhedziso, farani vhūtanzi hanu nahone ni ye phanda naho. Sedzani zwi no bvelela. Ni a vhona? Sedzani zwi no bvelela. Ni a vhona? Zwino hezwo ndi zwine nda khou lingedza u ita uri ni ite, ndila vhukuma ine ra tea u tenda.

<sup>245</sup> No vha ni tshi do ri mini? [Muñwe u ri, “Ina na fumiṭahe.”—Mudz.] Nomboro ya vhuna, garaṭa ya thabelo ya nomboro ya vhuna na nomboro ya fumiṭahe, a i wanali. Garaṭa ya thabelo ya vhuna. Sedzani kha muñwe; sedzani kha garaṭa dza vhahura vhānu. Garaṭa ya thabelo ya nomboro ya vhuna na nomboro ya fumiṭahe. Zwo luga, lwa tshikhathinyana, imani. Vhonani, arali ndi sa mu vhidzi, zwenezwo ndi wana i tshi vhuya, ni a vhona. Ni ri mini? Ni ri mini? [“Ina.”] No wana ina? Mini nga ha ṭahe.... Fumiṭahe a i athu. Ni ri mini? [“Na ina.”] Garaṭa ya thabelo ya nomboro ya vhuna a i athu vha ngomu, kana fumiṭahe. Arali muñwe e na idzo garaṭa, arali ni tshi do da kha muduba. Kana, sedzani, vhonani, i nga di... e na... Úkwo kushie ku na garaṭa? Sedzulusani, a si... A si yone heyo nomboro. Naa *uyu* mufumakadzi a re hafha u na garaṭa, kha tshidulo itshi tsha malinga? Sedzulusani nomboro yawe. Naa iyo—naa iyo ndi nomboro yawe? Mufumakadzi a re kha vhulalo vhūtuku, huh? Vho i wana. Dzone, dzi ngomu dzothé zwino. Ho luga. Zwo luga. Zwino—zwino, vhoinwi vhathu ni re na garaṭa ya thabelo, dzi fareni. Ri khou yo shuma, nga tshilidzi tsha Mudzimu.

<sup>246</sup> Zwino, dzikhonani, sa izwi uvhu vhu vhusiku ha u fhedza vhune ra do vha naho, matshelo ndi Swondaha nga masiari, kha ri dzike. Zwino itonu dzhia u sa tenda huñwe na huñwe ni re naho na mu—muhumbulo muñwe na muñwe wo tsiluhhalaho, ni u vhee phasi kha fuloro, huno ni vhee mulenzhe wanu khawo, sa zwe zwa vha zwi zwone. Ni ri, “Murena Yesu, ndi khou ya u U tenda.” Ndi vhangana vha no do ita izwo? [Tshivhidzo tshi ri, “Amene.”—Mudz.] Ndi a ni livhuwa. Mudzimu a ni fhaṭutshedze.

<sup>247</sup> Zwino na muthihi a songo tuwa. Dzulani ni dzike vhukuma, nahone ni tende. Sedzani thungo heyi, nahone zwino ni lavhelese.

<sup>248</sup> U didivhadza ha Mudzimu ho di dzulela u diṭha, hu kona u vhonela phanda two no vhaho hone, huno wa amba two no vhaho hone, izwo zwi hani, kana zwine zwa do vha zwone. Ri a zwi diṭha hezwo. Ndi nga ndila ye vhaporofita vha dihwa ngayo. Ndi nga ndila ye Yesu a dihwa sa Mesia. Huno U onoula Mesia namusi sa zwe A vha e zwone tshifhingani itsho, fhedzi a si na muvhili wa nama fhano kha liphasi. O rumela Muya Wawe murahu u shumissa muvhili wanu, muvhili wanga. Zwino, ni nga di kundelwa u ita hezwi. Ri a diṭha, Luñwaloni, hu na muthihi kha murafho. Fhedzi, vhonani, fhedzi naho two ralo ni kona u zwi tenda, huno ni na zwiñwe zwithu zwine ni nga ita, muñwe na muñwe.

<sup>249</sup> Hu nga itea mini arali munwe wanga wa dzhia tsheo, ngauri u si iṭo ḥanga, a u tsha ḥo vha munwe wanga? Hu nga itea mini arali iṭshi tshanda tsha ri, “A thi tsha ḥo ima, ngauri arali ndi si iṭo, kana n̄devhe, a thi khou yo vha tshanda”? Mulandu, tshi ḥo holefhadza muvhili wanga.

Inwi ivhani zwine Mudzimu a ni vhetshela u vha zwone.

<sup>250</sup> Ndi lungana he nda tama Oral Roberts, Billy Graham, Tommy Osborn!

<sup>251</sup> Vhaṇwe vha avho vhanna vha dzhena ngomu heneffo huno vha ri, “Vhugala kha Mudzimu! Zwi tendeni!” Lutendo lu re na maanda. Vha ḥuwa, vha bva heneffo vha tshi tou vha vhaswa tshoṭhe.

<sup>252</sup> Billy Graham u a ima e na mulaedza, huno a amba na vhatu lwa miniti i si gathi, a ri, “Dzhiani tsheo yanu; idani kha alīṭari.” Itonu ima heneffo, ni songo dovha na sudzuļuwa na kathihi.

A ri, “Ngauralo mulandu ni tshi ita izwo, Billy?”

<sup>253</sup> A ri, “Mulaedza wanga wo ḥnewa. U bva Mudzimuni.” Ndi zwone.

<sup>254</sup> U kha itsho tshividzo tsha Sodoma, zwi tou vha zwone kokotolo zwine zwa tea u vha zwone. Dzina lawe li guma nga h-a-m i bvaho kha Abraham, maledere a rathi; Abraham lo vha li na a sumbe. Ni a vhaba mudindā wa itsho tshividzo, henegei Babele? A hu na na u timatima. A hu na munna kha shango o faraho uyo mulaedza wa thembuluwo, u fana na Billy Graham. U ima heneffo. A tshimbila u bva heneffo, huno a ya a la tshiṭeki tsha shambo la T huno a ya u edela, a nwa mukhaha wo gegaho. Hezwo zwe luga.

<sup>255</sup> Huno musi ni tshi tea u ima na lwa na vhodiabolo! Tshiṇwe tshifhinga kha Long Beach, Murathu Jack na nne... Khotsi anu vho vha vho ima heneffo.

<sup>256</sup> Huno heneffo ha ima Vho-Fuller, Charles Fuller, murathu wavhudī, o ima heneffo a tshi khou rera. Ho vha hu na vhatu vha no ḥodou swika zwigidi zwivhili kana zwiraru ngomu heneffo masiari ayo. Ro dzula nahone ra thetshesela muṭanganoni wawe. Ndo ḥo hadzima oditoriamu, nga murahu haw. Huno o ima heneffo a ita nyambo yavhudī. Huno a ri, “Hu na muṇwe afha we a ḥoda u ḥanganedza Kristo?” Vhatu vhavhili kana vhabararu vha da u kumedza vhushie havho. Musadzi muthihi o ri u ḥoda u li ḥanganedza. A da nahone a itelwa thabelo thukhu, muṇwe wa madikoni, a humela murahu a dzula phasi. A lumelisa, a rembuluwa huno a bvela nn̄da. Heneffo tshigwada tshawe tsho ḥalifhaho, tsha vhatu vho ambaraho zwavhudī, tsho vha tshi tshi khou bvela nn̄da heneffo.

<sup>257</sup> Hafha hu dzhena tshanga, badzhi yo khwaṭhaho ya zwanda zwilapfu, zwidulo zwa malinga, mabofu, vhaholefhalī, vha no

ṭudza, zwihole. Musi lutendo lwaṇu lwo livhana na tshithu tsho raloho!

<sup>258</sup> Zwino afha, ndo ima kha la uri Kristo ndi mini? Huno zwino vhadzia-u-sa-tenda vho dzula u mona hoṭhe, vha tshi ṭodou wana khakho nthihi, ni a vhona, vha tshi khou tou lingedza u wana khakho nthihi.

<sup>259</sup> Elelwani, hafha Toronto a si kale, ro vha ro ima heneffo ri tshi khou rera, ri tshi rabelela vhalwadze. Nda dzulela u pfa maya u songo daho; wo vha wo dzula nga ngeno kha tsha monde tshanga. Nda dzulela u u sedza. Ho vha hu na munna o dzulaho heneffo, tshigwada tsho mu thola uri a de ngomu heneffo u nnyeđedza khofhe dza khole-khole. O vha a tshi ya gammabani dza mmbi huno a ita uri maswole a tshimbile nga zwanda nahone a huvhe sa dzimmbwa, na zwithu; khofhe dza khole-khole. Ndo u pfa uyo maya muvh. A tho ngo ḫivha he wa vha u tshi bva hone. Ndi dzulela u sedza. Ndo u vhona uyo murunzi mutswu. Nda ima lwa miniti i si gathi fhedzi. Nda ri, “Iwe ḫwana wa Sathane, mulandu diabolo o pofudza muhumbulo wau kha tshithu tsho raloho? Ngauri wo da u dzhia ndango ya Mudzimu, u itela Muya wa Mudzimu khaedu, vha do u bvisa hafha.” O mbo oma mirado heneffo tshidzuloni tshawe nahone u tshee o oma mirado. Ni a vhona?

<sup>260</sup> A ri sokou ḫidela tshividzoni. Ndi vhangana vho vhaho vhe kha miṭangano huno vha vhona zwithu zwi ngaho izwo zwi tshi bvelela, ni a ḫivha zwithu zwi no itea? Ngangoho. Ndi zwone. Elelwani, tho—ṭhonifhani.

Zwino hafha, ndi zwi dzhia uri, hu na muthu wa u thoma. Ndi zwone izwo?

<sup>261</sup> Zwino, vhonani, ndo no rera, ndo ni vhudza kokotolo tshe tsha tea u bvelela kha lino ḫuvha. Zwino hetsho ndi tshiga, arali tshi tshi bvelela. Hezwo ndi zwe tshiga tsha vha tshi zwone, zwenezwo tendani Ipfi li no tevhela tshiga. Ni a vhona?

<sup>262</sup> Zwino musadzi ngoyu. Kokotolo, kha vhoinwi vhaeni vhaswa, heyi ndi Yohane Mukhethwa 4, he Murena Yesu washu a ḫangana na musadzi tshisimani. Na kathihi a vha athu ḫangana, vbutshiloni, huno O vhudza musadzi tshidini tshawe. Huno a limuwa uri uyo o vha e Mesia. Ni a ḫivha tshiṭori itsho? Ngetshi hafhu, munna na musadzi vha a ḫangana. Zwino a si musadzi uyo, nahone nne a thi uyo Munna, fhedzi uyo u kha di vha onoula Mudzimu. Ni a vhona? Zwino, Yesu o ri, “Mishumō ine Nda ita ni do ita-vho,” Yohane Mukhethwa 14:12.

<sup>263</sup> Zwino, musadzi, ndi sa ni ḫivhi, a thi na na muhumbulo wa uri no imelani afho. Hu nga vha hu khakhathi ya hayani. Hu nga vha hu u itela muñwe-vho. Khamusi ni a lwala. Khamusi ndi... Khamusi no ima afho, ni tshi khou sokou ḫiitisa. Arali zwi zwone, itonu wanulula zwi no bvelela. Ni a vhona? Khamusi ni khou edzisela tshinwe tshithu. Naho tshi tshini, a thi... Ni

nga vha ni mutendi wa vhukuma. Hezwo a thi zwi divhi, fhedzi Mudzimu u a divha. Fhedzi ni do divha uri O ni vhudza ngoho kana hai, a ni nga do ralo? Arali hu ngoho, ni do zwi divha.

<sup>264</sup> Zwino, vhonani, hezwo ndi zwine lutendo lwanu lwa tea u ita. Ni do takalela hani u da fhano? Zwino arali muñwe a tshi tenda uri zwo khakhea, inwi idani ngeno ni dzhie hoyu mulwadze, idani ngeno nahone ni dzhie na avha vhañwe. Zwenezwo arali ni sa do zwi ita, zwenezwo ni songo mmbea mulandu. Ni a vhona?

<sup>265</sup> Zwino vhonani hafha, khaladzi, lwa tshifhinganyana. Zwino a thi na na muhumbulo, na tshithu nga ha inwi. Ni tou vha musadzi o imaho henefho.

<sup>266</sup> Zwino arali Murena Yesu Kristo, Murwa wa Mudzimu, We nda mu sumbedza nga Bivhili, o fulufhedzisa uri U do vhuya mađuvhani a u fhedzisela huno a Didzumbulula nga vhudalo ha Muya Wawe.

<sup>267</sup> U tou fana na Tshivhidzo tshi tshi aluwa; unga tshi bva kha muthu, hothe u bva milenzheni, tsha da kha zwirumbi, u swika thohoni, huno thoho ndi thoho ya muvhili. Huno Muvhili wo aluwa, u bva tshee Tshivhidzo tsha u thoma tsha vha hone, u alutshela, kha heyi, kha tshandululo, wo aluwa u swika zwino. Wo fhira kha u lugiswa, u kunakiswa, ndovhedzo ya Muya Mukhethwa. Zwino ndi Thoho (Kristo) i daho kha Muvhili, Muvhili wa Kristo. Ndi Ene Ane a divha. Tshanda tshanga a tshi divhi u ita, ndi nga thoho yanga fhedzi. Fhedzi Ene ndi Uyo Ane a divha, ndi ngazwo E Ipfi.

<sup>268</sup> A thi Ipfi. Ndi muthu. Fhedzi, ni a vhona, U shumisa muvhili yuu. Ngauri, O fela u kunakisa muvhili yuu, uri A u shumise, nahone a nee tshifhiwa. U tou fana na u u bvisa gereni, zwenezwo Muya Mukhethwa wa dzhia ndango.

<sup>269</sup> Zwenezwo, arali A tshi do talusa kana a ni vhudza zwe na ita, zwe na dela zwone fhano, kana tshiñwe tshithu nga ha inwi, ni do zwi tenda. Huno vhathetshelesi vha do tenda zwenezwo zwithihi? [Tshivhidzo tshi ri, “Amene.”—Mudz.] Murena Mudzimu nga a zwi tendele.

<sup>270</sup> Zwino ndi dzhia maya muñwe na muñwe, ngomu hafha, phasi ha ndango yanga, u itela vhugala ha Mudzimu. Zwino dzulani ni dzike. Ni songo tshimbila-tshimbila.

<sup>271</sup> Sedzani hafha, lwa tshikhathinyana. “Sedzani kha nné,” sa Petro na Yohane vho amba, vha fhira getheni. Nga maríwe maipfi, dzhielani nzhele kha zwine nda khou amba. Ni a vhona?

Yesu o vhudzisa musadzi mbudziso dzi si gathi. “Nndisele tshinwiwa.”

<sup>272</sup> Vhonani, ndo vha ndi tshi khourera, zwenezwo zwithihi. Khotsi vho nthumela hangeno kha—kha Baton Rouge. Ndi fhano.

<sup>273</sup> Khotsi vho ri Vha na thodea ya u fhira nga Samaria. Vha dzula heneffo. Musadzi o vha ene wa u thoma u da Khavho. Vho ita itshe tshiga tshithihi kha uyo musadzi, huno mudi wothe wa shanduka. Zwo ita phambano . . .

<sup>274</sup> Ni elekanya, arali A tshi do ita zwenezwo zwithihi, madekwana ano, ni elekanya uri vhothe vha Baton Rouge vha do shanduka? Hezwo ndi a zwi timatima, a ni ralo? Ndi ralo hu si na na u timatima. Fhedzi ri mađuvhani a u fhedzisela, musi vhuvhi ho naña u fhira tshee ha dihwa.

<sup>275</sup> Zwino nyimele dzanu. Ni fhano u rabelelwa. Ndi zwone kokotolo. Huno ni na vhulwadze ha mukulo. Arali izwo zwi zwone, imisani tshanda tshanu. A si hezwo fhedzi, fhedzi hu na muñwe ane na khou mu rabelela. Ndi nwana, huno uyo nwana u na vhulwadze ha mukulo. Huno vhulwadze ha nwana ha mukulo, ndi zwibvo mukuloni. Naa ni a tenda uri Mudzimu u do mu fhodza, na ene-vho? Itshe sagaduku tshi re tshandani tshanu, tshe na tshi imisela kha Mudzimu, sa thanzi. Zwino ni songo zwi timatima. Tshimbilani ni vhee sagaduku kha nwana. Ni songo timatima, nga mbilu yanu yothe. Mudzimu u do fhodza vhuvhili hanu nahone a ni nea mutakalo. [Khaladzi u ri, “Mu rendeni! Hałeluya!”—Mudz.] Ni nga ita izwo? [“Yesu! Ndi a U livhuwa, Yesu!”] Zwenezwo tshimbilani, huno Murena a vhe na inwi. [“Vhugala kha Mudzimu! Hałeluya!”]

Hu tou ita hani? Ri vhatsinda, na riñe-vho.

<sup>276</sup> Naa ni a tenda? [Tshivhidzo tshi ri, “Amene.”—Mudz.] Hetsho ndi tshiga. Zwino Ipfi, ndi, “Humelani kha Ipfi!”

<sup>277</sup> A thi ni divh; U a ni divha. Arali A tshi do mmbudza tshiñwe nga ha inwi, zwenezwo ni do tenda zwauri ilo Ipfi le nda amba li do khwathisedzwa? Hezwo ndi—hezwo ndi khwathisedzo Yalo. Ni a vhona? Ndo ri O zwi ita; hezwo ndi u porofita. Zwino arali vhuporofita vhu tshi khunyelela, zwenezwo O ri, “Ni vhu pfe.”

<sup>278</sup> Ni na nyimele ya vhutaledzi yo kalulaho ine na khou tambula ngayo, mazhuluzhulu. Nahone ni na tshizwimbo, huno itshe tshizwimbo tshi kha mulenzhe wanu. Ndi zwone, a si zwone? [Khaladzi u ri, “Ee.”—Mudz.] Zwino ni a tenda? [“Ee, munę wanga.”] Zwenezwo iyani ndilani yanu, nahone ni tende. Huno, sa izwo no tenda, ngauralo kha zwi vhe nga u tou ralo kha inwi.

<sup>279</sup> Hu tou ita hani? A thi ni divh, fhedzi Mudzimu u a ni divha. Ni a tenda uri Mudzimu a nga mmbudza zwidini zwanu? Ntsedzeni. Ni na zwidini. Fhedzi vhukuma no ima hafha u itela muñwe-vho, huno uyo ndi ene we a aluswa na inwi. Ndi khaladzi. Ndi zwone. Zwino ni a tenda uri Mudzimu a nga mmbudza uri ho khakhea mini kha uyo khaladzi yanu? Ni do zwi tanganedza? U na vhulwadze ha mbilu. Ndi zwone. Ni a tenda uri u do fhodzwa zwino? Zwenezwo, u ya nga lutendo lwanu, kha zwi ralo kha inwi.

<sup>280</sup> Idani, mufumakadzi. Hu tou ita hani? Arali Mudzimu a mmbudza tshidini tshañu, kana zwe na ita, kana tshiñwe, tshi ðo ni ita uri ni tende? Ni a divha uri nñe ndi . . . A—a—a thi ni ðivhi. Itsho tshi ðo vha tshitalusi Tshawe tshi no Didivhadza ngomu kha nñe, u ya nga Ipfi ðe A fulufhedzisa. [Khaladzi u ri, “Ndo tea u zwi tenda.”—Mudz.] Ni a zwi tenda? [“Ee. Amene.”]

<sup>281</sup> Ni muñwe, ni na zwidini sa musadzi wa murole wañu a tshi nga vha nazwo, fhedzi muhumbulo wañu muhulwane u malugana na muñwe muthu-vho. Lutamo lwañu kha Mudzimu; ni khou ðoda Mudzimu ni sa ðodeli inwi muñe, fhedzi muñwe muthu-vho, ane a vha munna. Ndi munna wañu. Huno u na vhulwadze ha mbilu. Ni a tenda uri U ðo . . . Mudzimu u ðo mu fhodza? Tshimbilani, zwi tendeni. Huno, sa izwi no tenda, ngauralo zwi ðo vha nga u tou ralo kha inwi.

<sup>282</sup> Zwino, vhonani, u rera hoþhe, kha iyo awara ye nda vha ndi tshi khou rera. Yone, tshiñwe na tshiñwe tshe ya vha i zwone, vhatru vhararu kana vhana vho fhira, zwino a thi tsha kona u ima hafha. Ni a vhona? Ni a vhona, gogo loþhe fhedzi li tou vhonala li tshi nga mafhi, u mona ngomu hafha. Ni a vhona? Yesu o ri, “Nungo dzo bva kha Nñe.” Huno arali musadzi muthihi, a tshi khou kwama tshiambaro Tshawe, two bvisa nungo Khae, huno Ene e Murwa wa Mudzimu; nñe hone, muitazwivhi o tshidzwaho nga tshilidzi Tshawe?

<sup>283</sup> O ri, “Zwithu zwine Nda ita na inwi ni ðo zwi ita-vho. *Zwo engedzeaho* u fhira hezwi ni ðo zwi ita.” Ndi a ðivha uri King James i ri, “zwi fhiraho.” Fhedzi arali ni tshi ðo dzhia ðhalutshedzo ya uranga, yo ri, “*Zwo engedzeaho* u fhira hezwi ni ðo zwi ita.” A hu na we a vha a tshi nga ita zwi fhiraho. O vusa vhafu, huno A imisa mupo, nahone A ita tshiñwe na tshiñwe. Fhedzi O ri, “*Zwo engedzeaho* u fhira hezwi ni ðo zwi ita, ngauri Ndi ya ha Khotsi.”

<sup>284</sup> “Shango a li nga ðo Mmbona; fhedzi ni ðo Mmbona, ngauri Nñe . . .” Vhonani, “Nñe,” Nñe—Nñe ndi lisala vhukuma. “Ndi ðo vha na inwi, na ngomu hanu.” Zwenezwo, a si muthu. Ndi Kristo.

<sup>285</sup> Ndi amba izwo, ndi tshi ðidzinginyisa zwiþukunyana, ndi tshi ðihumisela murahu. Ni swika hune nga murahu ha tshifhinga . . . A si musi ni nþha *hangei*, kana phasi *hafha*; ndi vhukati. Ndi vhangana vha no zwi pfesesa? Ndi a ðivha uri ni—ni elekanya uri ni a pfesesa. Ndi ralo, na nñe-vho.

<sup>286</sup> Naa no no vhuya na ðivha uri vharendi na vhaporofita ndi vhatru vha re na mazhuluzhulu tshifhinga tshoþhe? Ndi vhangana vha no zwi ðivha?

<sup>287</sup> Ndi vhangana vho vhalaho nga ha William Cowper, murendi muhulwane wa Muisimane? Ni a ðivha, o ñwala, “Hu na tshisima tsho ðalahlo Malofha, o bvaho kha tsinga dza Imanuele.” Nga murahu ha musi o ñwala ulwo luimbo, no zwi pfa uri ho bvelela

mini khae? A si kale ndo ima tsini ha tshalo tshawe. O lingedza u divhulaha, huno a nwela khothe mulamboni.

<sup>288</sup> Ndi vhangana vho no pfaho nga ha Stephen Foster, a neaho America nyimbo dzalwo dza lushaka dzavhudisa? O vha nalwo thohoni fhedzi hu si mbiluni. Tshifhinga tshiñwe na tshiñwe u hevhedzwa hu tshi mu dela, o vha a tshi ñwala luimbo. Zwenezwo musi u hevhedzwa ho no mu ñutshela, ho ngo dihva uri a nga ita mini nga ene munę, huno a xela. O—o—o vha o no kangwa. Huno phedziselonı musi a tshi thoma u bva kha u hevhedzwa uho, a vhidza mulanda, huno a dzhia luare a divhulaha. Ndi zwone.

<sup>289</sup> Sedzani Eliya, muporofita. O gonya hangei huno a vhidza mulilo u bvaho ḥadulu; a vhidza mvula i bvaho ḥadulu ḫuvha la u thoma; huno a vala maṭadulu nahone a ita hezwo zwo̥the. Zwenezwo musi u hevhedzwa ho no ḫuwa khae, o bva a ya sogani huno a tama u fa. Huno Mudzimu a mu wana, nga murahu ha mađuvha a mahumi maña, a vhuyeleta bakoni. Ndi zwone?

<sup>290</sup> Sedzani Yona, muporofita. Nga murahu ha u nea mulaedza wawe, o gonya huno a dzula ntha ha muvhundu, a humbela Mudzimu uri a mu tendele u fa. Uh-huh. “Tendela mulanda wau u ḫuwa nga mulalo.”

<sup>291</sup> Vhathu a vha zwi pfectesi. Hai, hai, ni nga si kone. Na nne a thi koni u zwi ṭalutshedza, kana a hu na muñwe muthu. Ni nga si ṭalutshedze Mudzimu. Mudzimu ha dihwi nga ḫodisiso ya saints. Mudzimu u dihwa nga lutendo. Ri a Mu tenda. Ni nga ṭalutshedza hani? Lu do di vha lutendo, hani? Ri dihva Mudzimu nga lutendo.

<sup>292</sup> Tshivhidzo na kathihi a tshi nga dihvi mushumo na u neta, na u dinetisa na mulingo, zwe zwa lingedza u U ñisa, Mulaedza. U a ita. Malamba anga ha bvi kha vhathu.

<sup>293</sup> Vhonani hafha, mufumakadzi. Ee, nga u ḫavhanya. Uyo musadzi o tsirwa lwa u ya lufuni. Mudzimu ha di kha uyo musadzi na zwenezwo, ndi a vhona . . . A ni vholi uvho vhutswu ho nembelelaho u mona nae? U do fa, ngangoho vhunga shango li hone. A si kale hafhano, vho dzhia tshifanyiso tsha tshithu tshi no nga tshenetsho, huno nda tshi wana hayani. U na murunzi wo swifhalaho u nembelelaho tsini hawe. O swifhalelwā lwa u isa lufuni.

<sup>294</sup> Mufumakadzi muñku o vhuya a vha na muaro. Huno kha muaro uyu, vho arela pfuko. Huno zwino u na zwidini, tshaka dzo̥the dza—dza, ndi do ri mini, hu tou vha vhukondi. Tshi re hone, a ni na nungo lune ni nga si kone u ima. Tshiñwe hafhu, kha dundelo hu bva vhulwa. Zwino, nga u tou ralo ni do zwi vhona uri a thi khou sokou amba tshiñwe tshithu. Ni a vhona? Ndi zwone. Fhedzi, mufumakadzi, maine o lingedza. Ndi mu nea khuliso kha hezwo. Fhedzi, o vha e dzilafho, fhedzi Mudzimu ndi phodzo. Ni khou do fa nga u tou ralo. O ita zwo̥the zwe a kona

u ita. Ni a tenda? [Khaladzi u ri, “Ee.”—Mudz.] Idani hafha, lwa tshifhinganyana.

<sup>295</sup> Nga ndaela ye nda newa nga Mudzimu Ramaandaothe, yo ṭanziwaho kha nne nga Mururiwa, a re hone zwino nga tshivhumbeo tsha Khavhu ya Mulilo, ndi laṭekanya hoyu diabolo a no khou dzhia vhutshilo ha uyu musadzi. Dzinani ḥa Yesu Kristo. Amene.

Tshimbilani, tendani zwino. Nga zwoṭhe zwi re ngomu hanu, tendani.

<sup>296</sup> Ni na tshidini tshi no vhulaha vhatu vhanzhi u fhira tshiñwe tshithu-vho, vhulwadze ha mbilu. Vha ima kha ḥa uri uvho ndi vhulwadze ha vhuimo ha u thoma, fhedzi a si hone, muñe wanga. Tshivhi ndi vhulwadze ha vhuimo ha u thoma ha lutendo. Ni a tenda uri U a kona u fhodza iyo mbilu nahone a ni nea mutakalo? [Murathu u ri, “Ndi a ḫivha uri U a kona.”—Mudz.] Zwenezwo ṭuwani, zwi tendeni. Mudzimu a ni fhaṭutshedze.

<sup>297</sup> Ni a elekanya uri Mudzimu a nga fhodza muṭodo wanu nahone a ni nea mutakalo? Ni a zwi tenda nga mbilu yanu yoṭhe? Tshimbilani, zwi tendeni, khaladzi. Sedzani zwi bvelelaho kha inwi, ni do vha khwine.

<sup>298</sup> Aṭhiraitisi na vhulwadze ha mbilu. Fhedzi ni a tenda uri Mudzimu a nga ni nea mutakalo? [Khaladzi u ri, “Ndi a tenda.”—Mudz.] Nga mbilu yanu yoṭhe? [“Ee, muñe wanga.”] Ni do zwi ṭanganedza? [“Ee, muñe wanga.”] U ya nga he na tenda, ndi nqila ine zwa do vha ngayo kha inwi. Zwino ṭuwani, zwi tendeni nga mbilu yanu yoṭhe, huno Mudzimu u do ni nea mutakalo.

<sup>299</sup> Ni dovha na dinwa nga muṭodo. Ni a tenda uri Yesu Kristo a nga ni nea mutakalo? [Khaladzi u ri, “Ee, muñe wanga.”—Mudz.] Ṭuwani zwino, zwi tendeni nga mbilu yanu yoṭhe. Ndi nga si ni fhodze, ni a vhona.

<sup>300</sup> Thanga ya tshinnani, mazhuluzhulu, na dovha na vha na aṭhiraitisi. Ni a tenda uri Mudzimu a nga ni nea mutakalo, a ni fhodza? Ni a zwi ṭanganedza? Tshimbilani, nahone ni zwi, tende-ha.

<sup>301</sup> I ni ita uri ni dzule no karuwa zwifhinga zwinzhi, ni tshi hoṭola. Fhedzi Mudzimu u a fhodza asima. Ni a zwi tenda izwo? [Murathu u ri, “Ee, muñe wanga.”—Mudz.] Ni a tenda uri U ni nea mutakalo zwino? [“Ee, muñe wanga.”] Mudzimu a ni fhaṭutshedze. Ndi a ni livhuwa, ndi tshi itela lutendo lwanu.

<sup>302</sup> Mini-ha arali ndi songo vhuya nda bula ipfi kha inwi, ndo tou vhea zwanda zwanga kha inwi, no vha ni tshi do tenda? [Murathu u ri, “Ee.”—Mudz.] Idani ngeno. Ndi vhea zwanda zwanga kha inwi, Dzinani ḥa Yesu Kristo, huno aṭhiraitisi nga i ni ṭutshele. I a ṭuwa.

<sup>303</sup> İdani. İdani, khaladzi. Ni a tenda? [Khaladzi u ri, “Ee, munē wanga. Ndo no vhuya nda fhodzwa nga Murena.”—Mudz.] Zwo ralo, hezwo zwi a mangadza. [“Haleļuya!”] Zwenezwo tshimbilani ni yo la tshilalelo tshanu-ha, huno thumbu yanu i do vha na mutakalo. [“Haleļuya! Haleļuya! Haleļuya!”]

<sup>304</sup> Tshi no dinesa ndi muļodo, wo ni dzindela lwa tshifhinga tshilapfu. Tshimbilani, ni tshi tenda uri ni . . . Tshimbilani, ni tshi tenda uri ni do vha na mutakalo, huno Mudzimu u do ni itela zwone. [Murathu u ri, “Mudzimu o ita. Amene.”—Mudz.] Amene. Ndi zwenezwo. [“Rendani Murena.”] Murena a ni fhaļutshedze, murathu. Amene.

<sup>305</sup> Vhulwadze ha swigiri a si tshithu, kha Mudzimu u fhodza. U a kona u vhu fhodza. Ni a zwi tenda izwo? [Khaladzi u ri, “Ndi a tenda.”—Mudz.] Ndi zwone. Zwi ḥanganedzeni, nahone ni ye ni Mu tende zwino nga mbilu yanu yothe.

<sup>306</sup> Ni dovha na vha naho malofhani. Ni a tenda uri Mudzimu u do ni nea mutakalo? Tshimbilani, zwi tendeni nga mbilu yanu yothe, nahone ni vhe na mutakalo.

<sup>307</sup> Ni a tenda uri O ni fhodza zwenezwo musi itsho tshi tshi ni kwama? O zwi ita.

<sup>308</sup> Vhuleme ha mufumakadzi. Vhulwadze ha mbilu. Ni a zwi tenda? [Khaladzi u ri, “Zwi tenda.”—Mudz.] Tshimbilani, fholani Dzinani la Yesu.

<sup>309</sup> Ni a tenda uri Mudzimu u do nea muļodo waņu mutakalo, tswio dzaņu dzi do . . . A ni fhaļutshedze! Itonu bvela phanda.

A thi fhodzi. A thi koni u fhodza. A thi mufhodzi.

<sup>310</sup> No vha ni tshi do elekanya mini musi A tshi amba nga ha muļodo wawe, ni a tenda uri waņu wo wana mutakalo, na wonevho? Žwo luga, itonu ḥuwa, ni tshi zwi tenda, zwenezwo . . . Itonu ḥuwa ni tshi zwi tenda, nga mbilu yanu yothe.

<sup>311</sup> Na waņu-vho, ni a tenda uri Mudzimu u a ni nea mutakalo? Tshimbilani, zwi tendeni, nga mbilu yanu yothe. Mudzimu u do zwi ḥekedza arali ni . . . Ni tea u zwi tenda, naho zwo ralo.

<sup>312</sup> Ni a tenda uri Mudzimu u do ni nea mutakalo, na inwi-vho? [Khaladzi u ri, “Rendani Murena! Ngangoho ndi a ralo.”—Mudz.] Zwo luga. Mudzimu a ni fhaļutshedze. Itonu tshimbila nahone ni tende nga mbilu yanu yothe.

<sup>313</sup> İdani, munē wanga. Shotha la kale litshena li wela phasi. U ḥathuvhiwa ha ilo hu do sumbedza vhulwadze ha swigiri. [Murathu u ri, “Vhulwadze ha swigiri.”—Mudz.] Ni a tenda uri U do ni nea mutakalo? Kha ri ye Khalivari u wana malofha zwino. Nga lutendo, Dzinani la Yesu Kristo, nga a fhole. Amene. Mudzimu a ni fhaļutshedze, murathu. Tendani nga mbilu yanu yothe. Ni a tenda? [“Ndi ngoho tshothe.”]

<sup>314</sup> Mini-ha nga ha vhańwe vhańu kha vhathetshelesi zwino? Ni a tenda nga mbilu dzańu dzońhe, uri Yesu Kristo ha shanduki mulovha, ḥamus, na u ya nga hu sa fheli? Ni a zwi tenda izwo? [Tshivhidzo tshi ri, "Amene."—Mudz.]

<sup>315</sup> Mini-ha nga hangeno kha *iļi* dzingu? Mufumakadzi muńuku o dzulaho, o ntsedzaho afho, a no tambula nga vhuleme ha mufumakadzi, ni a tenda uri Mudzimu u do ni ḥea mutakalo? O tou ambara badzhi ḥukhu ya lutombo. Zwo luga. Tendani zwino, Yesu Kristo u ni ḥea mutakalo. Zwi tou leluwa nga u tou ralo.

<sup>316</sup> Mufumakadzi o dzulaho heneffo murahu hanu, wa muvhudzi matswu. A ri, "Ndi a u livhuwa, Murena." Tshińwe tsho mu kwama. Ho ngo divha uri Tsho vha tshi mini. Vhulwadze ha dundelo ho ni ḥutshela, no dzula heneffo, heneffo murahu mufumakadzi o tou fhola nga tshenetsho tshifhinga. Arali ni tshi tenda nga mbilu yanu yońhe heneffo, mufumakadzi. Ni a ralo? Zwo luga, imisani tshanda tshańu arali ni tshi ḥoda u i ḥanganedza. Mudzimu u ni ḥea mutakalo.

Mini-ha nga ha hetshi fhasi hafha, muńwe ngomu *hafha*?

<sup>317</sup> Murahu heneffo kha vhathetshelesi, zwino nga ḥonifho vhukuma. Ni songo sudzuluwa. Vhonani, haya malwadze a do ḥuwa kha muńwe a ya kha muńwe.

<sup>318</sup> Vhone, mune wanga? Mukalaha uyu o dzulaho afha tshiduloni itshi? Vha a tenda? Vha a tenda uri Mudzimu a nga vha fhodza? Aṭhiraihisi, nahone vha na vhulwadze ha mafhafhu. Vha a tenda uri Mudzimu u do vha ḥea mutakalo? Vha a ralo? Zwo luga, kha vha vhe na zwe vha hūmbela. "Arali vha tshi nga tenda!"

<sup>319</sup> Ni elekanyani, mufumakadzi, no dzulaho tsini navho? Ni a tenda, na inwi-vho? Ni a tenda? Ni a tenda uri Mudzimu a nga mmbudza uri ni dinwa nga mini? Ni kulenyana na nne. Itonu Mu tenda zwino. Ni a tenda uri ndo ni vhudza Ngoho? Zwenezwo mutsiko wańu wa malofha u do tsa. Ni a zwi tenda?

<sup>320</sup> No imisa tshanda tshańu, na inwi-vho. No vha ni tshi khou lingedza u mu ḥuṭuwedza. Ni a tenda uri Mudzimu a nga mmbudza zwine zwa... No vha wavhuđi nga maandarda u mu thusa, zwino Mudzimu u do vha wavhuđi u ni thusa. Ni na thaidzo ya muyani ye ya vha i tshi khou di ni dzindela. Arali izwo zwi zwone, dzungudzani tshanda tshańu nga ndila *heyi*. I khou yo tandululwa zwino. U a i lugisa.

<sup>321</sup> Ndi vhangana vha no tenda? Ndi vhangana vhańu vha no do ḥanga... uyo ane a sa vhe Mukriste, a re na vhu-vhuđipfi ha uri Yesu Kristo u hone fhano, ane a do tama u ima zwino, a ri, "Yesu, ndi tama u diđivhadza sa muitazwivhi, naa U do nkhangwela zwivhi zwanga?" Imani nga milenzhe yanu. Mudzimu a ni fhańutshedze, muńe wanga. Mudzimu a ni fhańutshedze. Mudzimu a ni fhańutshedze. Mudzimu a

ni fhaṭutshedze. Mudzimu a ni fhaṭutshedze. Mudzimu a ni fhaṭutshedze. Ndi... Mudzimu a ni fhaṭutshedze, inwi, inwi, inwi. Hoyu, U a ni vhona. U ḥwala dzina ḥanu musi ni tshi ita izwo.

<sup>322</sup> Hangeno kha balikhoni, imani, i ri ni, "Murena Yesu, ndi a ṭoda u, ndi a ṭoda u ḅivhadzwa. Ndi ṭoda tshilidzi kha muya wanga." Mudzimu a ni fhaṭutshedze, muṇe wanga. "Ndi ṭoda tshilidzi, Murena Yesu."

<sup>323</sup> A ni koni u vhona, khonani, uri ndi Ene hafha? Mudzimu a ni fhaṭutshedze, munna muswa. Mudzimu a ni fhaṭutshedze. Mudzimu a ni fhaṭutshedze, mufumakadzi muswa. Hetsho ndi tshithu tshihulwanesa tshe na vhuya na ita. Zwino muṇwe-vho we a sa tshi ite, kha ime, a ri, "Ndi ṭoda u ḅivhadzwa, Murena Yesu. Ndi khou ḋidivhadza, madekwana ano."

<sup>324</sup> "Ane a ḫo bula tshivhi tshawe, u ḫo wana tshilidzi. Ane a dzumba tshivhi tshawe, a nga si vuledze."

<sup>325</sup> Ni ḫo ralo, Vhuhoneni Hawe? Mudzimu a ni fhaṭutshedze, mufumakadzi. Ndi ṭoda... Mudzimu a ni fhaṭutshedze. Ee. Huno Murena a ni fhaṭutshedze. Mudzimu a ni fhaṭutshedze, muṇe wanga. Mudzimu a ni fhaṭutshedze, mufumakadzi. Murena a ni fhaṭutshedze.

<sup>326</sup> Inwi ni ri, "Naa izwo zwi a amba tshinwe tshithu?" Vhukati ha lufu na vhutshilo, iyo ndi yone phambano.

<sup>327</sup> Naa ni a limuwa Vhuhone Hawe afha? Naa izwo ni a zwi limuwa? Naa ni a zwi tshenzhela? Ni a vhona, ni a Tshi vhona, ni a Tshi vhona tshi tshi khou shuma. Ndi Ene. Ndi zwenezwo kokotolo zwe A ri U ḫo ita. Naa ni a zwi tenda? [Tshivhidzo tshi ri, "Amene."—Mudz.]

<sup>328</sup> Muṇwe-vho u ri, "Ndi ṭodou ḋidivhadza sa muitazwivhi, Murena. Nkhangwele zwivhi zwanga zwino." Arali no no ima, itonu imisa tshanda tshaṇu. Vhaṇwe vhaṇu u mona na mbondo, imisani... Mudzimu a ni fhaṭutshedze. Mudzimu a ni fhaṭutshedze. Muṇwe-vho u ri, n̄tha kha balikhoni u ya murahu, u ri, "Ndi ṭodou ḋidivhadza, Murena Yesu. Ndi humbela tshilidzi, madekwana ano, Vhuhoneni Hau Vhukhethwa, ndi tshi tenda uri, onoyo Mudzimu a no ḫo nkhaṭula, Vhuhone Hawe vhu fhano zwino. U a divha uri U khou amba na mbilu yanga nahone u khou mmbudza ūri ndo khakha. Ndi ṭodou ima nahone nda ri ndo khakha. Ndi bula vhukhakhi hanga. U mmbea mulandu, mbilumi yanga." Ndi ngazwo ndo imisa muduba wa thabelo. Mudzimu a ni fhaṭutshedze. Mudzimu a ni fhaṭutshedze.

<sup>329</sup> Ni elekanya uri uyo ndo u imiselani? Ndo u imisa ngauri ndo divha uri izwo ḫo tea u bvelela.

<sup>330</sup> Zwino, hu na vhaṇwe hafha, a ni takuwi? Imani nahone ni ri Tshinwe tshi khou amba na mbilu yanu, no khakha. Mudzimu a ni fhaṭutshedze, muṇe wanga. Mudzimu a ni fhaṭutshedze.

Mudzimu a ni fhaṭutshedze. Mudzimu a ni fhaṭutshedze. “Ndo khakha. Nkhangwele, Murena. Ndi khou didivhadza. Ndi a takuwa, Murena, Vhuhoneni Hau. Ndi a divha uri U fhano. Ndi... U tea u vha fhano. Wo ri itshi tshi ḍo vha tshi—tshine Wa ḍo ita. Zwino nne ndi ḍo vha... Ndi vhona tshiga, nahone ndi a divha uri ndo ṭalutshedza uri hetsho tshi tea u vha tshiga tsha lino ḏuvha. Ndi pfa Ipfi lo vhidzelelaho uri murahu kha thembuluwo. Ndi fhano, Murena. Ndi tenda tshiga. Ndi pfa Ipfi.”

<sup>331</sup> Ipfi li khou amba na inwi zwino! Vhuyani, Oo no balanganaho! Vhuyani, Oo naledzi i tendelekaho! Vhuyani, Oo inwi no kudzwaho nnda! Vhuyani, ano madekwana!

<sup>332</sup> A ni vhui? Itonu ima nahone ni ri, “Ndi a didivhadza sa muitazwivhi, ndi tshi humbela tshilidzi.” Ni do zwi ita, muñwe-vho? Mudzimu a ni fhaṭutshedze, mufumakadzi. Mudzimu a ni fhaṭutshedze, n̄tha heneffho, murwa. Arali nda sa ni vhona, Ha nga ralo. Mudzimu a ni fhaṭutshedze, mufumakadzi. Ndi zwavhudisa. Muñwe-vho? Itounu isa phanda... Ndi ṭodou bvela phanda lwa tshifhinganya, ngauri ndi kha di pfa ndi na muhwalo mułku hafha, ni a vhona. Muñwe-vho? Mudzimu a ni fhaṭutshedze, mufumakadzi. Iyo ndi ndila ine zwa tea u itwa. Ndi zwenezwo. Muñwe-vho, “Ndi ṭoda u didivhadza, ndi tou ditakusa nahone ndi ri ndo khakha. Ndi khou humbela tshilidzi”? Ni do zwi ita? Nga u ṭavhanyedza ri sa athu bvela phanda, takuwani nahone ni ri, “Ndi ṭodou didivhadza, Murena Yesu.” Mudzimu a ni fhaṭutshedze, mufumakadzi muswa.

<sup>333</sup> Ni a divha, khamusi phanda ha musi ni tshi swika hayani, fhedzi tshiñwe tshifhinga kana tshiñwe hu do vha na khuli i rotholaho i no ḍa tshifhaṭuwoni tshañu. Khamusi mañwe matsheloni maine u ḍo ḍa huno a pfa mudivhithe wañu u tshi da kha tshanda tshañu, a hu tshiñwe-vho tshine tshi nga itwa. Zwenezwo ni do pfa magabelo a rotholaho a lufu a tshi papamala tshifhaṭuwoni tshañu. Ni ḍo elelwa zwe na ita.

<sup>334</sup> Elelwani, vha nga si ni swite u tsesa fhasi, vha nga si ite tshithu kha inwi. Mudzimu o fulufhedzisa, “Ndi ḍo ni vusa hafhu, nga ḏuvha la u fhedzisela.” Vhonani. “Ane a pfa Maipfi Anga huno a tenda Uyo o Nthumaho, u na Vhutshilo Vhu Sa Pheli huno a nga si de Khaṭhuloni, fhedzi o bva lufuni a dzhena Vhutshiloni.” Muñwe-vho kha Zwi thuthe arali a tshi kona. Yesu Kristo o Zwi amba. “Ane a tenda, ndi uri, a pfesesaho Ipfi Langa huno a tenda Uyo o Nthumaho, u na Vhutshilo Vhu Sa Pheli, na kathihi a nga si dzhene Khaṭhuloni, u vhewa mulandu, fhedzi o bva lufuni a ya Vhutshiloni.” Ngauri, o tenda kha Murwa mubebwa-e-ethe wa Mudzimu, we Mudzimu a mu vusa, miñwaha ya zwigidi zwivhili yo fhelaho, huno u a tshila hafha, madekwana ano, a tshi sumbedza tshivhumbeo Tshawe tsha mvuwo Yawe.

<sup>335</sup> Hu ḍo vha na muñwe a no ḍo ima, nga murahu ha izwo, muñwe a no ri, “Ndi ṭoda u Li ṭanganedza. Ndi ṭoda u Mu ṭanganedza.” Mudzimu a fhaṭutshedze. Mudzimu a ni fhaṭutshedze. Hezwo ndi zwavhuḍisa, mufumakadzi muṭuku. Hetsho ndi tshithu tshi takadzaho. Ndi ṭoda ni tshi dzhiela nzhele.

<sup>336</sup> Ndo sedza mbidzo ya alitari, fhano tshiñwe tshifhinga tsho fhiraho, vhatu vha tshi khou ḍa, vha tshi khou ṭafuna tshingamu, vha tshi khou rwana nga thungo.

<sup>337</sup> Fhedzi no dzhiela nzhele vhufulufhedzei kha zwifhaṭuwo zwa avho vhathu? Avho vhasadzi vhaṭuku, na nga murahu ha u vha vhea mulandu nga ha mavhudzi avho o fhungudzelwaho, na u ḍola zwidolodolo; vhe na izwo zwidolodolo, na mavhudzi o fhungudzelwaho, vha ima naho zwo ralo, “Ndi nne muitazivhi. Ivha na tshilidzi kha nne, Mudzimu.” Idzo ndi idzo Mbeu dzi re heneffo. Tshedza tsho fhufhela khadzo, huno dzi a zwi ḋivha. Mudzimu a ni fhaṭutshedze.

Kha ri kotamise zwifhaṭuwo zwashu zwino.

<sup>338</sup> Ndi ṭoda mutendi muñwe na muñwe hafha, o imaho tsini ha uyo muthu we a takuwa, ni vhee tshanda tshanu kha uyo muthu, (ni ḍo ralo?), onoyo we a takuwa. Vho vha vho ima tsini hanu. Arali ni Mukriste, vheani tshanda tshanu, kha khaladzi, murathu, “Ndo vhea tshanda tshanga kha iwe zwino. Ndi khou yo rabela.”

<sup>339</sup> Khotsi wa Taḍulu, hu na avho afha madekwana ano vhane—vhane vha U tenda. “Dziñwe mbeu dzo wela thungo ha ndila,” U ralo, “zwiñoni zwi a ḍa huno zwa i doba. Dziñwe dzi wela kha mavu a tombo, na kha mipfa na mitshetshete. Fhedzi iñwe i dzhena mavuni avhudzi, o nonaho.” Huno Vhuhone Hau vhu fhano, madekwana ano, ho ita uri vhanzhi afha madekwana ano vha tende uri U Murwa wa Mudzimu, uri U a tshila u ya nga hu sa fheli. Huno Wo fulufhedzisa, ngauri U a tshila, ri nga tshila-vho.

<sup>340</sup> Murena Yesu, vho takuwa nahone vha ima sa thanzi uri vho U tenda. Zwino, Murena, ndi a ḋivha uri U ḍo vha imelela nga ilo Duvha. Zwi tendele, Murena. Ndi vha nekedza kha Iwe, Dzinani la Yesu Kristo. Kha vha ye kha tshiñwe tshivhidzo tshavhuḍi huno vha lovhedzwe nga ndovhedzo ya Tshikriste. Kha vha qidzhoñise tshiñwe tshigwada tshavhuḍi tsha vhatendi. Kha vha ḍale nga Muya Mukhethwa. Kha vha vhe khaphu dza Mafhungo-madifha, matombo a thengo khulu kha khare Yau nga ilo Duvha. Huno arali ndi si tsha ḍo vhuya nda vha vhona hafhusiani heli la ilo Duvha lihulwane, kha ndi vha vhone nga ilo Duvha vhunga kha bono, ndi tshi ri, “A ni nkumbuli? Ho vha hu ngei Baton Rouge, uvho vhusiku, he nda ima.” Zwi tendele, Khotsi. Ndi Vhau, nga Dzina la Kristo.

<sup>341</sup> Hafha, phanda hanga, hu na bogisi la zwisagaduku, zwienda zwiñuku, mabutswu, zwisagaduku, na masila, na dzifasikoti.

Ri a funzwa, Bivhilini, zwauri vho dzhia muvhilini wa Paulo Mukhethwa, zwisagaduku na dzifasikoti, mimuya ya tshika ya bva kha vhathu. Zwino, Khotsi, ri a divha uri a ri Paulo Mukhethwa, fhedzi U kha di vha Mudzimu onoula, ngauralo ndi rabela uri U do tendela mvelele dzi fanaho, vhunga uyu murafho u tshi khou tenda nga u fulufhedzea. Na kathihi a vho ngo tenda Paulo ngauri o vha e Paulo; vho tenda Paulo ngauri Iwe wo Didivhadza kha Paulo. Zwino vha tenda zwenezwo zwithihi madekwana ano, Murena, uri Iwe wo divhadzwa vhukati hashu, ano madekwana. Huno liñwe duvha, ri ri . . .

<sup>342</sup> Muñwe muñwali o vha a tshi khou ri vhudza, uri, "Israele yo vha i ndilani yayo ya u ya kha shango lo fulufhedziswaho, huno Lwanzhe Lutswuku lwa ima ndilani, u vha tumula kha shango lo fulufhedziswaho." Muñwali o amba, uri, "Mudzimu o sedza fhasi nga iyo Khavhu ya Mulilo, nga maño o sinyuwaho, musi I tshi ya kha Israele. Yo ita vhupofu, swiswi kha mudzia-u-sa-tenda, huno tshedza kha Israele. Huno musi ulwo Lwanzhe Lutswuku lwo ima ndilani, lwo ofha, huno lwa humela murahu, huno Israele ya pfukela kha shango lo fulufhedziswaho kha shango lo omaho."

<sup>343</sup> Murena Mudzimu, sedza fhasi madekwana ano, nga Malofha a Yesu Kristo, Murwa Wau. Sa izwo ndi tshi vhea zwanda kha idzi sagaduku; musi dzi tshi vhewa kha vhalwadze, Muya Mukhethwa, Murena, kha u sedze kha uyo muthu, huno vhulwadze kha vhu tuwe khae, nahone kha vha pfukele kha ilo shango la mutakalo wavhuđi na nungo. Hezwo, Bivhili yo ri, "N'ha ha zwithu zwothe," zwe vha zwi tama ho vha uri ri "bvelele kha mutakalo." Zwi tendele, Murena. Ndi a vha rumा, Dzinani la Yesu Kristo. Amene.

. . . nnyisa ndi do tevhela,  
Hune A nnyisa . . . (kha ri tou imba) . . . do  
tevhela,  
Ndi do enda Nae, (zwino Vhuhone Hawe vhu  
fhano, kha ri tou Mu luvha nga luimbo, nga  
ndila i difhelelaho,) ndilani yothe.

<sup>344</sup> Ni nga lu imba vhukuma nga u rali?

Hune A nnyisa ndi do tevhela,  
Hune A nnyisa ndi do tevhela,  
Hune A nnyisa ndi do tevhela,  
Ndi do enda Nae, (arali ni tshi do ralo, zwino  
imisani tshanda tshanu), Nae ndilani yothe.

Kha ri takuwe zwino, imisani zwanda zwanu hafhu.

. . . Nae tshikovhani,

<sup>345</sup> Muñwe na muñwe kha imbe e Muyani zwino. Mulaedza u tumulaho vhukuma. Kha ri Mu luvhe Vhuhoneni Hawe. U takalela u luvhiwa.

. . . tshikovhani,  
 Ndi do enda Nae tshikovhani,  
 Ndi do enda Nae, Nae ndilani yothe.

<sup>346</sup> Zwino kha ri lu nuñune. “Ndi a . . .” Zwino musi ni tshi khou ita izwo, ndi ḥoda ni tshi khadana na muñwe, na ri, “Mudzimu a ni fhaṭutshedze, mufhiri. Mudzimu a ni fhaṭutshedze, mufhiri,” nga u tou ralo. Ri vhathihi nga thashu. Mumethodisi, na Mubaphuthisi, Mupuresbiterieni, Vhapentekostala, noṭhe khadanan. “Mudzimu a ni fhaṭutshedze, mufhiri.” Ndi zwine ra vha zwone: vhafhiri.

. . . tshikovhani.

<sup>347</sup> Mudzimu a ni fhaṭutshedze, mufhiri. Mudzimu a ni fhaṭutshedze. [Mukomana Branham na tshivhidzo vha bvela phanda na u khadana. Hu na tshikhala kha theiphi—Mudz.]

. . . tshikovhani.

Zwino kha ri imise zwanda zwashu.

Ndi do enda Nae, Nae ndilani yothe.

<sup>348</sup> Kha ri kotamise zwifhaṭuwo zwashu, nga u dītukufhadza, ri kha thabelo. Ni songo hangwa, nga matsheloni, tshikolo tsha Swondaha.

<sup>349</sup> Nga tshiñwe tshiitisi kana tshiñwe, ndi khou tou pfa Vhuhone ha Mudzimu vhukumakuma mbiluni yanga. Zwi tou nkondela nga maanda u ḥuwa, madekwana ano, nga tshiñwe tshiitisi. Ndi a pfa urī Muya Mukhethwa wo takala, madekwana ano. Hu si na tshithithisi ri do vha na muṭangano muhulu matshelo, ngauri vhathu vha da kha Kristo, ni a vhona. Muñwe o mangala uri mulandu ndi songo ita mbidzo ya aliṭari na kathihi. Ndi a lindela u swikela ndi tshi khadiwa u i ita. Ni a vhona?

<sup>350</sup> Ndi a fulufhela uri muñwe na muñwe we a imisa tshanda tshawe, kana a ima, ndi a fulufhela uri ni do vha ni kha tshiñwe tshivhidzo tshavhuđi matshelo, na dzhia vhuimo hanu vhukati ha vhatendi.

<sup>351</sup> Musi ro kotamisa zwifhaṭuwo zwashu, ndi do humbela vhafunzi afha uri vha de phanda, arali vha tshi kona, u ri balanganya. Mudzimu a ni fhaṭutshedze zwino, zwifhaṭuwo zwashu na dzimbiļu zwe kotama phanda ha Mudzimu. 

*IPFI LA TSHIGA* TSV64-0321E  
(The Voice Of The Sign)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Mugivhela, Thafamuhwe 21, 1964, kha Denham Springs High School ngei Denham Springs, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ɬhalutshedzo ya Tshivenđa yo gandiswa huno ya phaðaladzwa nga vha Voice Of God Recordings.

TSHIVENDA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)